

TAMAHANO YESABONAHALI

YA MUNYALIWA WA KRESTE

 Ni kansuzi musipili wa kuzuma, kuli Ni be ni sebelezo ku Mulena. Kacwalo ki . . . Lu tabile fa kuba moo. Ni lumela, kuli nako yefelile kwanu, Ne ni mi bulelezi: nako ni nako ha lutahanga kwanu, kuna ni mutu ya lu tobela. Mi haiba lu ka kuta isaho, ni Mulena aliyeha kutaha, kukaba ya ka lu tobela.

² Kuna ni alimuñwi, yanali luli, luli fakaufi ni pilu yaka, moya; yani neli Muzwale Lyle. Ni banga ni kamuhelo luli, hanikena mwahali, ni yemanga kwa mulaho kwani ni kuteeleza, kwa palo ya Muzwale Jack, kwa lipina zakale manzwi a baana haba opela. Baopela mwa Kanya, busihu cwana. Kihande, kuna ni leliñwi la manzwi ani kulo Kwani kale kale, leli libelezi amañwi amalalu. Ni sepa kuli Hanina kuk li utwa fateni hape mwa lifasi mo. Kono kaniti Ni libelezi ku yo li utwa hape, Muzwale, Kezeli Moore fa, mwa Naha mwani mo ba ka yoo . . . halina ku yo timiwa.

³ Muzwale Palmer neli mutanga yomutuna wa Kreste. Ni hupula Muzwale Jack ha ni bulelala za—za bupilo bwa hae bo bu neezwi ku Mulimu. Nebali babeti, hamoho. Mi abulela kuli nasweli kuca mukushuko wa—wa hae, neli liñende la mwa lizoho la hae, inge aca liñende ni kubala Bibele ya hae. Mwabona? Aeza misebezi yemituna, Muzwale Palmer aeza. Ki mubeti yomunde, ndate yomunde kwa bana ba hae, lubasi lo lu lateha. U ba hulisize kaufela kwa kusebeleza Mulena. Kuya ka mo Ni zibela, kaufela bona ba pilisizwe ni kutazwa ka Moya o Kenile. Mi yeo ki kekezo yetuna ku muuna kaufela mwa mazazi aa, bashimani ni basizana. Kono, mwabona, kaufela zakona kueza halina kuba za butokwa hahulu konji kusebeleza Mulimu, konji ha ka sebeleza Mulimu. Mi busihu boo, sa na ezize mwa lifasi mo, misebezi ya hae yende, u ile kwa mupuzo wa hae, kuyoba ni yona. Mulimu apumulise moyo wa muzwale waluna.

⁴ Na ziba, haibile fela ye ki tabernakele kwanu, mi Na—Na ziba uka . . . linzwi la hae likana libateni faa. Mwakona ku liutwa. Kezeli Anna Jeanne ni—ni kezela hae, baba lizanga siñwañwa ni piano, mo ne ba sa liyehelangi. Muzwale Palmer na yemanga fa ni kupamula pina, ni kuzwelapili. Kipeto ba i latelela. Mi Na ne si sa . . . Ne ni libelelanga kuli aetelele pina.

⁵ Kwa bana ba hae; ku musala hae; ku Muzwale wa hae Jack, mulikana hae ya latwa, babile balikani mwa lilimo ze kaufela; ni Muzwale Brown, Kezeli Brown, ni mina tabernakele kaufela: Mulimu ami fuyole. Na mutonda, nina. Mulimu apumulise moyo wa hae obundume, kufitela luyo kopana niyena mwa kozo.

Ha lu inamiseni toho zaluna.

⁶ Ndate ya musa yakwa Lihalimu, ka kuambola fela za mutanga yomutuna yoo, Na mu tonda, busihu cwana, kuli ani swale mwa mazoho, ni lumenyo nyana lwa butali lwana banga ni lona hana bulela kuli, "Mulimu aku fuyole, Muzwale Branham," hane lukena mwa munyako. Ni ziba kuli utile kwa Ndu ya Hao, busihu boo. Kacwalo Na lapela, Mulimu yomunde, kuli U lumeleze miselo, misebezi ya hae ye mulatelela, ibe yemituna, izwelepili cwalo ni bana ba hae, musala hae. Lu lapela kuli U ka fuyola mufumahali wa hae, Mulena. U bulezi kuli Ukaba muuna kwa "limbelwa ze li limbelwa za luli." Ni lapelela kezela luna Kezeli Palmer ni bana kaufela. Na ziba mo ba utwela bababeli cwalo, ku za lulatehelwa ki mulikani hamoho cwalo ni kulatehelwa ki ndate.

⁷ Kacwalo, Ndate, halunze luli mo, busihu boo, lu lapela kuli U lukise lipilu zaluna, hape, kwa hola yeo. Ha lu zibi. Ikona kutaha ka sipundumukela sina ya hae mo ibezi. Ha lu zibi kuli itaha lili, kono lu ziba kuli ina ni kutaha. Kacwalo lwa lapela, Mulimu, kuli U tatube pilu kaufela yeliteni mo, busihu boo. Mulimu, usike wa siya yaka. Tatuba yaka, nina, mi uni like. Mulena, haiba kuna ni bumaswe kaufela ku luna, bu zwise. Lu bata ku sebeleza Wena. Woo kona mulelo waluna ka kutala, ki ku sebeleza Wena.

⁸ Sululela Moya wa Hao fahalimwa luna, busihu boo, ni mazazi a siyezi a biki yee. Fuyola tabernacle ye ya libizo la Life Tabernacle. Ikone kuamuhela limbuyoti zetezi za libizo lateni mi itale fela ka Bupilo bwa Mulimu, biki yee, kuli ipilise moyo o latehile kaufela, kutaza mulumeli kaufela ka Moya o Kenile, ni ku ncafaza sepo yeli ku luna, Mulena, hape. Lu lapela hape kuli ufolise ni bakuli kaufela ni baba ziyelehile baba taha mwahala luna. Moya o Kenile o mutuna wa Hao ube mo, Mulena, mi ufolise fela ba . . . ni kutoza mañi ni mañi kuli alumele. Lumeleza lika zee, Ndate.

⁹ Mulimu, nituse nina cwale. Haiba liwa, liwezi mwa sibaka saka kuli nitise Liñusa. Na lapela, Mulimu, kuli U lumeleze kalulo ya butu iyeme kwa neku leliñwi. Mi Moya o Kenile utahe mi ubube fahalimwa luna, Mulena. Mi cwale Moya o Kenile ulwale mukopano, Mulena. Lu ziba kuli haluna mo luinezi. Halukoni kueza cwalo, hakuna ni yomukana wa luna. Ha lu buleli kuli lwa lieza. Kono, Mulena, lu ziba kuli Wena ki Wena luli. Kacwalo lu talima ku Wena, Mulena. Zamaya, Moya wa Mulimu, mi uwele ku luna sinca. Lwa kupa ka Libizo la Jesu. Amen.

¹⁰ Cwale Ni bata kulumelisa babali fa mihala, kwa likeleke zesweli ku luteeleza mwa naha. Lu fa muhala wa luwaile, ili tukiso yende luli yelunani ye lu ipumanezi, ka Muzwale waluna Pearry Green yazwa kwa Beaumont, Texas. Mi ni likeleke, handende, baba latelelqa Liñusa, kuzwelela koo kwa United

States, ba lu teeleza nibona, busihu cwana. Lu luma litumeliso, kwa ñambamo ni njetumuko ya Likamba la Wiko, kuzwelela koo kwa Vancouver kushetumuka kwa Tijuana, Mexico, kuyopunya kwa San Jose, Los Angeles. Likwata kaufela zeliteni kafoo, lwa mi lumelisa kuzwelela kwa Shreveport. Hape, kuyopunya kwa Prescott, Arizona, kwa sikwata kafoo se si libeleta Mulena, lwa mi lumela litumeliso, ni kwa Tucson, hape ni kwa Sierra Vista. Mane ku yopunya kwa New York, mwahala naha, Mulena ami fuyole, mañi ni mañi. Kambe muteni moo, busihu cwana, tolopo yende ye ya Louisiana, ye se bonahala sina lapa laka la bubeli, ku na. Na . . .

¹¹ Mwa ziba, mina sicaba kafoo kwa New York, mwa ziba, Na mi sehanga fokuñwi, mo mu bulelelanga. Ni ikutwa kulukuluha luli busihu boo. Eehe. Mañi ni mañi kwanu, mwa ziba, ba buleli kuli, "Mulumele, d'ere, Muzwwale Branham. U tahe ni Kezeli Branham ni banana kaufela muto lubona." Oh, mawi! Zeo li ni utwisa hande luli. Seo ki Sikuwa luli kuna. Ha ni mi shwauli mina sicaba kwa upa ni mutulo, ni libaka zeshutana. Kono, mwa ziba, Ni sepa kuli Ne ni pepilwe nili Reb' mi nina ni kuina fela ona cwalo. Na—Na lata fela cwalo, na kasibili. Ki Sikuwa luli.

¹² Nenili kwa mukushuko wa Baana ba Pisinisi, kwanu ha ki kale hahulu, mi se bali, "Lu ka yema cwale mi luopele pina ya naha." Mi Na yema, nali, "Ya kwa hae kuluna kwa Kentucky kwahule-hule." Kihande, ku na, yani neli yona pina ya naha. Ki yona fela yene Ni ziba. Kacwalo, lu mi lumela litumeliso. Mi cwale kwa . . .

¹³ Ni lumela kuli baka lika ku patalaza fa silimba za mukushuko, hape, mukushuko wa Pisinisi ya Baana, la Pelekelo kakusasana. Muzwale Green uka mi bulelela, kakuli u inzi kwa maikulufoni kwani cwale. Kacwalo uka mibulelela nako ye ukalisa mukushuko, ni kuli ki nako mañi, busihu ni busihu, kuli mukale kuteleza. Lwa itumela ku mina hahulu luli. Mu lu lapelele kwatensi.

¹⁴ Cwale, kwa puteho yeli kwanu yee, ni tabernakele ya Muzwale Jack, Ni ka mi kupa fela kunieza ka sishemo, busihu boo. Bakeñisa kuli ne Ni ka tisa Liñusa laka la buitumelo mwa—mwa naha, busihu boo, kwa likeleke zaluna za mwa sibaka ze latelela Liñusa. Ku se, Na—Na kona kuba ya liyeha nyana. Mi he, hape, Nakona ku kutaza Tuto yeñwi. Kacwalo, haiba ku cwalo, mi ha mu lumelelani ni Yona . . .

¹⁵ Inge mo Ni bulelelanga kamita za kuca nama ya mbilimbili: "Ha Ni luma mwa munjeke, ha Ni yumbi nama yaka, Ni yumba fela munjeke kihona, ni zwelapili kuicela nama yaka."

¹⁶ Konakuli haiba Ni bulela taba yeñwi ku mina busihu cwana, Nika . . . kihande Nika . . . kona ha Ni amuhezi memo ye, busihu cwana, kuli ni be mo, ku to tisa Liñusa laka la buitumelo kwa likwata zeliteni mwa naha, kikuli Muzwale

Jack kamita u tamulu hile mi ukwaluzi minyako ya hae ni kubulela kuli, "Kutaza zeli fa pilu ya hao." Konakuli Ni ikutwa kutamuluha luli.

¹⁷ Konakuli ikana yaba kuli mwahali mo, mwa puteho yama sibaka se ni Muzwale Jack, kwakona kuba bakutazi ni batu basili babasike ba lumelela ni Tuto yateni. Hañata Ni tokomela hahulu ku sa tatulula za tuto fa katala ka mutu, ha ni memile kuli ni mu kutaleze kwatensi. Kacwalo, kasamulaho wa busihu boo, Ni sepa kuli Ni ka lapelela fela bakuli ni kuba ni sebelezo sina kamita. Kono Ni hupuzi kuli Ni mi zibise nako isika fela kale, kuli haiba Nikona kubulela taba ye musike ku lumelalana nina, kiñi, mu ni lumeleze fela kuli ki ku sa ziba kwaka, Na sepa, mi hakuna ze ni ziba. Kono mu ni lapelele fela.

¹⁸ Cwale he ha lu apuleñi mwa Linzwi, kuya mwa kauhanyo fa. Ni lakaza kutamahanya kwa libaka zeñata busihu cwana, kakuli Nina ni Mañolo amañata nyana ni litaba zeñozwi fa pampili faa.

¹⁹ Na hupula nako yapili ha Ni pahama fa katala kwa Life Tabernacle, myaha ye mashumi amabeli kwa mulaho. Ne—Ne ni sa ñolangi Mañolo aka ni litaba za ku swanisisa kuzona. Nenili fela wa lilimo ze mashumi amabeli mwatasí linako zani. Kono cwale se Ni fitelezi mashumi amabeli ni ze ketalizoho, kacwalo Na...nako ya bubeli. Kacwalo Ni...hanisa kona kuhupula mo ne Ni hupulelanga. Nina ni ku ñolangi Mañolo, mi fokuñwi ku kusufaza nyana litaba zeñwi ze Ni bata kuswanisisa teñi.

²⁰ Mi cwale Mulena afuyole hanze lubala mwa Linzwi la Mulimu, mi mwa Buka ya Maroma, kauhanyo ya 7. Cwale, Nibata kuluta ka mufuta wa tuto ya sikolo sa la Sunda.

²¹ Ni ziba kuli kuna ni batu ba bayemi. Mi kwa tabernakele, hañata, kwa Jeffersonville, lu bata ku mi lumelisa mina kaufela, busihu bo, hape, lwa ziba kuli musweli mwa teezeza kwa tabernakele koo. Mi kubonahala inge kuba kwa tabernakele, busihu, kambe muteni kulo kwanu, sicaba siyemi kwa mamota, ni mwa malibela kaufela. Cwale, Ni sepa kuli mu mwa mukwa oswana, ni mina, sicaba kaufela sesili mwa sibaka sa naha yeo, se si tahanga kwa Liñusa.

²² Cwale lu ka itusisa yona kuba sina tuto ya sikolo sa la Sunda. Mi ha i supi kwa sika sifi kaufela, ku mutu ufi kaufela, kamba sika kaufela; ki kwa Keleke fela, ili Mubili wa Kreste o lulika kuisa mwa milelo yetungile ni maikuto a milelo yepahami, ka kulumela kuli Kutaha kwa Mulena Jesu ku sutelezi. Lwa lumela cwalo. Sihulu mane, seli myaha ye mashumi amabeli bukaufi kufita mone kuinezi nako yapili ha Ni taha kwa Shreveport. Oh, ki zeñata luli ze ezahalile kuzwa ka nako yani! Cwale lu talimezi Kutaha kwa Mulena, mwa lusika lwa luna. Ha ni libeleli ancafazo mwa lusika lwa luna. Ni libelezi Kutaha kwa Mulena, mwa lusika lwa luna.

²³ Cwale mwa Maroma 7, ni sepa kuli muna ni Libibele zamina ze kwaluhile, kai ni kai cwale, mwa na ha kaufela, lu bata kubala ka tokomelo. Cwale, ye, ki...Liñusa le lizwelela fa, kubonahala inge litamahana fa linyalo ni telekano, kono kanti mane kutokwa. Ku na, ki sipolofita sa Keleke mwa mazazi a mafelelezo. Ha lu baleñi:

Kana hamuzibi, bana bahesu, (ni ambota ba ba ziba mulao,) kuli mulao ubusa mutu ha nza pila?

Mi musali ya nyewzi utamilwe ku muuna hae ki mulao ha nza pila; koo muuna ha ka shwa, u lu kuluzwi kwa mulao wa muuna.

Cwale he, muuna hae ha nza pila, ha ka nyalwa ki muuna usili, musali yo uka bizwa mubuki: kono muuna hae ha shwile, u lukuluzwi kwa mulao woo; mi cwale ha ka nyalwa ku muuna usili ha na kubizwa mubuki.

Kabakaleo, ni mina cwalo bana bahesu, mu shwile kwa neku la mulao ka sitabelo sa mubili wa Kreste; kuli mube ba yomuñwi, kamba, kunyalwa ku usili, ili ba hae yena ya zuhile kwa bafu, kuli lu beeble Mulimu miselo.

Kakuli ha ne lupila ka nama, . . . litakazo ze maswe, ze susuwezwa ki mulao, ne li sebeze mwa lilama za luna mi nelitahisa miselo ya lifu.

Kono cwale lu lukuluhile kwa mulao, kakuli lu shwile ku ona ono lutama; kuli lu sebeze ka mukwa o munca wa moyo, mi isi ka mukwa o supezi wa taku yeñozwi.

²⁴ Mi cwale ha lu lapeleñi.

²⁵ Mulimu yomunde, kona lu sa zo bala fela se lu lumela kuba Linzwi la Mulimu le li kenile. Mi kona se lu lumela, kuli hakuna neba towati iliñwi kamba mukanga omukana o ka feliswa ku Lona kufitela kamukana litalelezwa. Mi lu lumela kuli Mulena luna u lu bulelezi, mwa Sinulol kauhanyo ya 22, kuli, "Kaufela ya ka zwisa Linzwi ku Lona kamba kuekeza linzwi ku Lona, ze swana, siemba sa hae, si ka zwiswa mwa buka ya Bupilo."

²⁶ Mi lwa bona kuli, ka ku sa toloka hande kwa Linzwi le, sina Satani mwa na Li lyananiselize ku Eva, amu ezisa ku kakanya Linzwi li liliñwi, la kenya lusika lwa batu kamukana mwa butata bwa kuwa. Linzwi li liliñwi fela!

²⁷ Mi lu bona mwahala Buka, kwa taha Mulena luna ni Mupulusi, mi Alufa manzwi a Kuli: "Mutu hana kupila ka buhobe feela, kono ka Linzwi kaufela le li zwelela mwa mulomo wa Mulimu."

²⁸ Mi temuso ye buhali mwa ya mafelelezo mwa Buka, ya Sinulo ya Jesu Kreste, "Kaufela ya ka ekeza linzwi kamba kuzwiswa Linzwi kwateni, siemba sa hae si ka zwiswa mwa Buka ya Bupilo."

²⁹ O Mulimu, ka kuziba, ni kubona mo lubezi baba buleta, ka kuziba kuli lu zamaya fa bwanda bobu si ka tiya bwa bupilo, bwa bupilo bwa nama boo (ka ku sa ziba nako ye luta bizezwa kwa Lihalimu), lu konile, Wena Mulena, kuli lubeye kwatuko lika kaufela mwa lipilu zaluna, lika kaufela mwa minahano ya luna, mi latalime hande kwa Linzwi la Hao, busihu cwana, ni kuli Wena utahe u Li toloke ka mubulelelo o tilee. Lumeleza cwalo.

³⁰ Mi Moya wa Hao usuluhele ku luna ni kutoza Linzwi mwa lipilu za luna, kuli lukone kuzwa mo, manzibwana cwana, batu babande kufita mo lubezi cwale, kuli lube ni pono yefa kaufi ni Jesu Kreste. Lumeleza cwalo, Mulena, kuli lukone ku utwisia lizazi le lupila ku lona, ni buitukiso bwa Mulimu kwa sicaba sa Hae mwa hola ye, yona nako yetuna ye, ye sabisa, ye unsufezi yelupila ku yona. Mulimu, lu toze, isiñi fela mubuleli, kono ni mutelezi. Mi, hamoho, konisa lipilu zaluna ku ngangama kwa Linzwi la Hao. “Kakuli sabo ya Mulimu kona makalelo a butali.” Lumeleza lika zee, Ndate, kakuli lu kupa ka Libizo la Jesu. Amen.

³¹ Ni tabela kufa mukanga wa nyana kwa manzwi e Ni ka bulela fa, ni Mañolo amañwi e Ni tabela kulatelela hande ka swanelo, haiba Mulena alata, ili kwa—kwa Liñusa la buitumelo, kuba la kusabonahala, kwa *Tamahano Yesabonahali Ya Munyaliwa Wa Kreste. Tamahano Yesabonahali Ya Munyaliwa Wa Kreste*. Ha li utwahali sina Liñusa la buitumelo. Niheba kuli, Liñolo lifi kaufela, lwa itumela ka Lona.

³² Ni itumela ku Mulimu ka kupila mwa nako ya kufela kwa litaba za kale za lifasi. Ha ni zibi. Haiba Ni kona kuba ni za kubulela kusikaba kale mutomo wa lifasi, mi haiba Mulimu na ka ni tomela tukiso kaufela fapila ka, ni ku ni bulelela kuli, “Ni—Ni bata kuli ukutaze. Mi cwale ubata kuba mwa lusika lufi, kuli uye mwa lifasi u yo kutaza?” Ne ni ka keta ona lusika loo, kakuli Ni nahana ki lona lusika lo lunde hahulu.

³³ Luli ne ni ka tabela kuba kulona loo ka nako ya kupota kwa Hae mwa lifasi. Kono, niteñi, Ni nahana kuli yona ye cwale kona nako yende hala linako kamukana, kakuli ki nako Ya tahela kutonga sicaba Sa liuluzi, bukaufi ni zuho foo baba liuluzwi kaufala ha ba ta zuha. Ha ki nako yende ni ye lunani, ya kuambola kwa sicaba se si shwa, nako yende! Lu tabiswa ki zona.

³⁴ Mi luziba kuli litaba za kale liya lifela. Litaba za kale za lifasi likabe lifelile cwale, kona lu ka kena mwa lizazi lelinca, kuliba kwa Mileniamu. Kuli, ka kuba mulumeli, Ni lumela mwa . . . mwa Mileniamu, puso ya Mileniamu ni Kreste, myaha ye sikit fa lifasi; kukuta kwa mwa mubili kwa Mulena Jesu, ku tonga sicaba sa butu, se si filwe kanya, ka Mali a Hae a kenisa.

³⁵ Paulusi fa ufa ponahazo, mwa Mañolo, ka za mula ni muhau, ni ku li tatulula sina linyalo ni telekano. Taba ye ha ki hañata

ku kutazwa za yona, kakuli ki, mukwa wa kuli, kuba kwa, sina, linyalo ni telekano. Kono hape litamahana ni kalulo yetuna ku za linyalo ni telekano, ka mwa likela kubeya lika mwa sikuka fa kuli luna, sina ke—ke Keleke, haikoni kunyalwa kwa lifasi ni ku Kreste, ka nako yeswana, ni—ni kuba ka swanelo ya mulao ka zona, kufita mo likona kubela ku musali kuli apile ni muuna kanti muuna hae inza sa pila. Mi Ni na ni milelo yaka ka zona, mi Ni lumela se i bulela Bibele kuba Niti.

³⁶ Cwale, kono Na lumela, hape, kuya ka tumelo yaka, kuli ipatulula iliñwi ya likunutu zetuna za sipolofita. Mi Ni sepa kuli Mulena uka lutusa, busihu boo, hanze lu bulelela taba ye kwa sicaba se si libeleta mwa na ha kaufela.

³⁷ Ne ku izwe, nako yeñwi (Ne ni sweli kubala, ha Ne ni ñola litaba zee, Ne—Ne ni sa hupuli hande kuli neli buka mañi mo li fumaneha, kono Na—Na ziba hande fa taba ye), kuli (leliñwi la libuka ze Ni balile za Bo. Moody, Dwight Moody, mwa Chicago; luna ni keleke yetuna yesweli kuteeleza mwa Chicago, hape, busihu boo), kuli, Bo. Moody, kasamulaho wa kubala Maroma 7, a matela mwa mukwakwa, mi muuna wapili ya na katani, ali ku yena, “Kana ziba muhau?”

Mi muuna yani a alaba, “Muhau mañi?”

Bo. Moody bali, “Muhau wa Mulimu.”

³⁸ Kacwalo, atabela hahulu ha bona cwalo, muhau mo no lu kauhanyelize kwa mulao, mi cwale, siemba se si belekilwe ki muhau. Kihande, cwale, sika kaufela se Ni bata kueza, ki foo... Ne ni bulelelanga sicaba nako kaufela kuli, ha Ni sila mululwani, kwa neku la mwa buse, Ni ka tabela ku yo opela kuli:

Muhau o komokisa! Ha ki muhuwo kwa
munati,
O pilisize munyandi ya cwale ka na!
Muhau, muhau omunde!
Ki muhau o mutuna o ni lukela kuziba!

³⁹ “Kakuli ki ka sishemo ha lu pilisizwe; ha ki ka ze luezize.” Zelukona kueza, kaufela ze luezza, ha li balelwi luna. Sishemo kona se si lu pilisa. “Ki ka sishemo ha mu pilisizwe, ka tumelo.”

⁴⁰ Haluboneñi Ni ekeze Musali yoo fateni, Muhau, haluboneñi Ni Mu beye mwa Bibele, hape, sina ha bizwa Kalibe ya ketilwe, yena Ma Muhau yoo Ni ka ambola ka yena. Mwa ziba, Bibele ibulela, kuli, “Ku Kalibe ya ketilwe.” Kuli haiba mu lemuha, “kuketwa” lizwa kwa linzwi la kuli “Kalibe ya ketilwe.” Kalibe alimuñwi, mwahala likalibe zeñwi kaufela, yana ketilwe.

⁴¹ Sina, mwalanjo hana swanelo kupepa mubili wa Mulimu, fa lifasi. Na li musali ya ketilwe. Mulimu na ketile Maria.

⁴² Mi, hape, Mulimu uketile Kalibe ya ketilwe, ili yona Munyaliwa wa Hae. U ketilwe. Ni sepa kuli lu ba siemba sa hae, busihu cwana, mwahala lifasi, mwahala na ha, nitaluse.

⁴³ Ze tatuluzwi fa, kubonisa tamahano ya Munyaliwa ku Kreste, ki Kalibe ya ketilwe: ni mwa Na lukela kutisezwa ku Yena; kwa Na ka zwelela; ni mwa Na ka tisezwa ku Yena. Keleke kwanu, mwa litaba ze lu bonisize fa, i bonisezwa ka musali. Kanti, mane musali ki mufuta wa Keleke, kakuli Keleke italimwa kuli ki Munyaliwa. Munyaliwa, Ki Munyaliwa wa Mulena Jesu, yena Mwana Mulimu.

⁴⁴ Kamita, haiba mutokomela, mutualime buino ni mukwa wa basali, kipeto mu ka bona foiinzi keleke.

⁴⁵ Cwale, se, zeñwi za lipuleo zakona kubonahala bunca ku mina babañwi, kono za zamaelela ni Liñusa le Ni filwe ki Mulena, le Ni lika kutisa kwa sicaba. Mwabona? Mu talime kaufela za nama, mo lisweli kuezahalela, za taho, mi mu litalime. Li zamaelela hande ni litaba za moyo hape.

⁴⁶ Cwale, haiba mubona mukwa wa basali mwa lifasi kacenu, mutokomele muezezo wa keleke ya lifasi kacenu. Mutokomele fela. Eeni sha, cwale, kuna ni hape muezezo wa Munyaliwa wa moyo, yona Keleke. Mwabona? Mutokomele Zeo, hape. [Hakuna manzwi fa tepu—Mu.] Kakuli, za nama ka mo li bizezwa, kona zebizwa Munyaliwa.

⁴⁷ Cwale, shangwe ni bulele hape kwa puteho ya mwa sibaka. Musike mwa utwa bumaswe cwale. Ni—Ni bulela kwa sicaba kaufela mwahala naha, ku yo, Ni nahana kuli ki yena Kalibe ya ketilwe. Kacwalo haiba kuna ni bakutazi babaliteni mwahali mo, baba sa lumelelani, kihande, mukutumane fa nako nyana. Mwabona? Mulemuhe. Muteeleze feela.

⁴⁸ Mulemuhe mukwa woo. Hamubona basali bazamay fela ka kuikasanelo, kueza fela ze ba tabela fela kuikezeza, mutokomele, keleke ni yona isweli kueza lika zeswana. Mulemuhe.

⁴⁹ Kono mutualime, haiba ki Munyaliwa wa moyo, ha kalisa kuba ni ancafazo, Ha kalisa kutaha hande mwa sikuka ni Kuipeya hande ka Linzwi la Mulimu. Mutokomele foo hape, mwa bona, kuli mane Mañolo, ka nako yeo, ku kaba Liñusa le li ka taha liswale Munyaliwa yoo, liswale Musali yoo, Muketwa.

⁵⁰ Kakuli, sina lifasi, Satani, mupumi ya na pumile munyaliwa wa makalelo, ka kufoseza Mulimu, ka ku sa lumela Linzwi la Hae... .

⁵¹ Mi cwale, kacenu, hanze lubona keleke ya nama, mwa evangeli ya mina ya nama, iya iba kwahule hule ni Linzwi, mwa evangeli ya silikani; lu fumana kuli basali ba lifasi, fa mikwakwa, ba ba fumaneha ku zeo, ba ikunga mwa sibaka sesiswana. Hamukoni ku ba bulelola. Ba latehezwi ki ngana kaufela ya butu sakata, sicaba si latehezwi ki yona. Mwabona? Mi kona mo i ezelize keleke cwalo. Mi mwaibona haiba mwa katengo ka ba ecumenical, kuswana fela ni sika kaufela mwa lifasi, ni kukena mwa Rome katata fela mo ikona kukenela teñi,

mwabona, kakuli polofitilwe. Mi ki yani fani. Wani kona mukwa wa hae.

⁵² Kono cwale ha mu talime Keleke ya moya, kuli mane sikhwata sa batu sani, baba bizizwe, ba Baketilwe, mwahala ancafazo kaufela. Ku Martin Luther, ne kuezahalile ka nzila yeswana mwa Baongaongi. Kwa ezahala ka mukwa oswana mwa nako ya John Wesley. Za ezahala ka nzila yeswana ni Pentekota mo ne ikalezi. Ba kenya basali bani hape mwa mu mukoloko i swana wa Linzwi, mi kipeto ba keluhela kwahule. Ki yani ukutela hape mwa butata hape. Kono he nako yeo sicaba hasikala kuina hande, kubanga Liñusa le li latelela, mi kipeto ba yema hande ni Lona.

⁵³ Luther nali yena numwana wa lizazi lani, la kuluka, mi Keleke ya yema hande ka zona, babañwi ba bona. Babañwi ba bona ba zwelapili cwalo. Wesley ataha ni kukeniswa, Keleke ya yema hande ni lona. Pentekota ya taha ni ku kutisezwa kwa limpo, Keleke ya yema hande ni zona, Muketwa wa lizazi lani; mi ni ku yunda, za kutela hape mwa buino bwa likopano ni kuzamaya hande ni babañwi ba bona, kaufela bona mwa mukoloko o swana.

⁵⁴ Cwale, kono mu lemuhe, sicaba ha si kala kulika kuba hande ni Linzwi, ku tahanga Liñusa le li nca lelizwa kwa Linzwi la Mulimu, kutaha hande kwa sicaba. Mi ba swala Liñusa leo hande, ka nako kaufela. Fela ki ku Mulimu . . . Luna ni zeo.

⁵⁵ Luna ni mabasi. Lubasi lufi kaufela mo lu swalisan ku zeo. Fokuñwi lika kaufela li ka zamaya hande ka wena, fa lilimo lino. Mi, ona foo fela, muka fita fa moya omuñwi, lwa bulcelanga zeo hañata kwanu kwa Mboela, “Ha i nela, ya suluhanga,” mi lika kaufela za fosahala. Mu fita mwa nako ya busihu. Kipeto lizazi la pazula, mi ka nako ya busihu. Liki kaufela li zamaeleta mwa zwelopili.

⁵⁶ Mupolofita, Paulusi, fa ubulela kuli musali hakoni ku nyalwa kufitela muuna hae ha sa shwile. hakoni ku nyalwa ibile fela muuna hae u sa pila; musali, hakuna mukwa, kupale kumane. Una ni kusiyala ali likwasha haibile muuna hae u sa pila. Mi haiba uka itolela kueza sibi seo, “uka bizwa mubuki.” Ni bulela kuya ka nama cwale, kuli ni li tamahanye ka moya. Haiba musali yo uka eza sibi se si cwalo, kipeto u swaiwa kuli, ki “mubuki,” haiba uba ni baana bababeli babapila ka nako yeswana. Kabakaleo, wa i toboha, ka kueza cwalo, liswanelo za hae ku Mulimu ni Lihalimu, ka kueza cwalo. Luli u i tobohile. U hanilwe mwa sicaba sa Mulimu, kuya ka Mañolo o Ni sa zo bala.

⁵⁷ Ki mo iinezi ni keleke, ha i lika ku zwakana ni kopano ni Linzwi la Mulimu. Haikoni kunyalwa kwa kopano, ni kuba Munyaliwa wa Kreste, ka nako yeswana. Ilukela kusiamelwa ku iliñwi kamba yetatama. Mulao ubulela ona cwalo, faa. Kuna ni milao yemiñata mwa Linzwi la Mulimu. Mi woo ki mulao wa Hae, Paulusi ubulela litaba zeswana faa. Haikoni kunyalwa kwa

tuto ya litumelo za lifasi, ni kuba Munyaliwa wa Kreste, kakuli yona . . . ye ya shutana ku yeñwi. Cwale, muhupule.

Muli, “Kihande, lwa lumela se, kono haluna kulumela *Sani*.”

⁵⁸ Haiba u nyewi ku Kreste, Kreste ki yena Linzwi la Mulimu. Ku Muhalalehi Joani, kauhanyo ya 1, ili, “Kwa simuluho nekuna ni Linzwi, mi Linzwi nali ku Mulimu, mi Linzwi neli Mulimu. Mi linzwi la ezwa nama mi ato yaha ku luna.” Kreste nali Linzwi lelipila. Nali Linzwi kamita. U sa li yena Linzwi niteni. Kamita ukuba Aba yena Linzwi. Yena nali fela ponahazo ya milelo ya Mulimu, kakuli Nali yena Mwana Mulimu.

⁵⁹ Mi mwana kaufela ki milelo ya ndatahe, mi kuswana fela sina hanoli mwa misinga ya mali a ndataho, mwa mubili wa ndataho inge usali fela mushimani, no li ku yena. Ibo, na si ke aba ni kutwano wena, kakuli na sa ku zibi. Kono he, kuya ka sibaka sa kuhulela kusona sa bomaho, wa to pepwa mwa lifasi ni kuba mwa siswaniso sa bo ndataho, kona bakona ku kubulelisa cwale.

⁶⁰ Mi kona mo ne uinezi ni wena, bashimani ni basizana ba Mulimu, kusikaba kale kweli, linaleli, kamba towati. Nemuli bana babashimani ni basizana ba Mulimu, kakuli mu ponahazo fela ya nama ya milelo yeneli ku Mulimu kwa simuluho. Kakuli, kuna ni fela mufuta ulimuñwi wa Bupilo Bobusafeli, mi yoo neli wena, sapili. Hakuna so ziba ka zona. Neba kuziba hanoli ku ndataho wa lifasi, kono u ti lo bonahalla kwa . . . mwa sibupeho sa hae. Mwa siswaniso sa Mulimu u bupilwe, mi wa bonahalela kwa kanya ya kutwani ya Mulimu.

⁶¹ Mi, kabakaleo, kuya fela ka buino bwa bupilo bwa mali abo ndataho, kusika ba kale kupepwa kwa nama, buino bwa hao bwa moyo nebuna ni kuba ku Mulimu, kakuli u ponahazo ya milelo ya mihipulo ya Hae, kusikaba kale mutomo wa lifasi. Kulikile. Hakuna mukwa usili ka zona. Yeo ki niti. Cwale, cwale lwa lemuha, kuli, Bupilo bwani ku wena, Bupilo bwa Mulimu bo bu kuwena, buzwelela kwa mutomo wa lifasi.

⁶² Cwale, cwale, hamukoni ku kopanya tuto ya tumelo ni Linzwi, kakuli zeo ki lika ze shutana, ye ku yeñwi.

⁶³ Ki zona luli za na likile kueza Satani ka ngana ya maikuto a mubili ku Eva. Ki hali . . . na itumelela kuli ki Mulimu yana li bulezzi, kono na ize, “Kaniti, hamuna ku shwa.” Mwabona? Mi ba lumela cwalo.

⁶⁴ Mi kona tuto ya litumelo ze i ezize, busihu boo. Kopano i kauhanyize sicaba kwa Linzwi la Mulimu. Hanili Jesu naize, nako Ya taha, “Mina, ka sizo sa mina, mu ezize Litaelo za Mulimu kuba zesina mata kwa sicaba”? [Kopano ili, “Amen.”—Mu.] Ni ka tuto ya tumelo kaufela, lu kauhanyize kutwano ya Moya o Kenile kuli utoze Linzwi la Mulimu le li tomezwi lusika loo. Lu fapahanyize sicaba cwalo, ka kopano, kuli habakoni kuba ni kolo ya ku Li bona.

⁶⁵ Cwale, Mulimu, Yena, lusika lufi ni lufi, U ekezanga siemba sesiñwi kwa Buka ya Hae. Kaufela li zamaeleta hamoho.

⁶⁶ Inge mubili waka mo u bupezwi. Ni bulelwa kuli ne bukalezi mwa mukokoto, kono ne si mukokoto kaufela ona. Bwa zwa mwani kukena mwa makupo, ni kuzwa mwa...maswafu, ni kutaha mwa mazoho, ni mazoho a mabaka, ni mahutu, ni zeñwi cwalo, mi za ba kuli ni mutu yo Nili yena.

⁶⁷ Mi kacwalo Mulimu abonahala mwa simuluho. Mi mafelelezo A bonahala sina Jehova, Mulimu Ndate. Mi ki Ha bonahala sina Mulimu Mwana, ku Jesu Kreste. Cwale U bonahalile sina Mulimu Moya o Kenile. Ki Mulimu yaswana, ka nako kaufela, likalulo za mibonahalelo yemilalu ya Mulimu ya—ya swana.

⁶⁸ Cwale, lu fumana cwana, kuli, lusika lufi kaufela, Mulimu utomile Linzwi la Hae kuzwa kwa simuluho.

⁶⁹ Kuswana fela sina cinceho ya zwelopili mo itahezi. Inge fela pili mwa na bupezi Mulimu, kaniti, neli...Ha lu buleleni kuli Na kalezi kubupa bupilo bwa limela, pili. Mi kona Abupa bupilo bwa lifolofolo, mwa mulaho. Mi kona Abupa bupilo bwa mutu, kasamulaho. Ki mufuta wa zwelopili cwalo, utaha apahama cwalo.

⁷⁰ Kona mo kubezi ku Mulimu ni Keleke ya Hae. Za kuluka ni Luther. Kuken...Koo ki kubiza Munyaliwa wa Hae, cwale. Usweli kubupa Munyaliwa wa Hae. Kuluka mwataswa Luther; kukeniswa mwataswa Wesley; ni zeñwi cwalo, mwa bona. Yena, muzamao wa Moya haunzo fiwa mwa butuna ni butuna, kakuli Mubili usweli kubupiwa, kutaha kwa Toho, yeli yena Kreste, Mubili wa Kreste.

⁷¹ Cwale, Yena, kakuba musali, haiba Musali a nyalwa ku Kreste ili Linzwi, Musali hakoni kunyalwa kwa keleke ya kopano ka nako yeswana, kakuli U tamehilwe ku zeo. Ukaba ni... hakoni kupila ni baana bababeli ka nako yeswana. Ki batu ba bashutana, yo ku yomuñwi. Yomuñwi ulumilwe ki Mulimu, yomuñwi ubupilwe ki mutu, kacwalo shutana. Uize, “Linzwi la mutu kaufela libe lishano; Aka abe a Niti.” Mulimu abulela ona cwalo.

⁷² Ki kushutana fela ku yomuñwi, sina mulao mo ne ubezi lwa sishemo, inge Paulusi mwa bulelala fa. Yomuñwi una ni kushwa, kuli abe ni usili. “Mi haiba musali alika kuba kopanya, uka bizwa mubuki.” Oh! Munahane ka zeo. New York, Arizona, mwa naha, munahane ka zeo. Mulimu naize, “Musali ha na ka lika kunyalwa ku bababelika nako iliñwi, uka bizwa mubuki.” Ki mubuki yacwani yakona ku kena Lihalimu? Kana Mulimu aka nyala mubuki? Batili hakukonahali. Ha si ka lu lumeleza kulieza. “Musali u ka bizwa mubuki.”

⁷³ Mi, bana ba hae, haiba musali ki mubuki, bana ba hae ki ba mwa bunyazi. Ba bunyazi! Bunyazi kwa sikamaño? Isi

kwa keleke, kono kwa Linzwi. Musali yoo ki wa bunyazi. Ha ki siswaniso sa Sinulo 3 sesili fa, sa lusika lwa keleke ya mafelelezo ya Laodesia! Ki sicaba kwa sa mwa bunyazi mina! Ha ki kulyangana kwa kopano ni koo! Babaenya fela, bazwelapili ni kuipiza kuli ki Bakreste, kono balatula Linzwi la Mulimu, “Bana ni mubonahalelo wa bulapeli, kono se si eza mata ateni ba silatuzi,” sina mupolofita ha na bulezi kuli bakaba cwalo.

⁷⁴ Linyalo kona sikolo sa kale hahulu mwa lifasi. Linyalo ne li ezizwe pili, ni ku tomiwa, mwa simu ya Edeni.

⁷⁵ Musali u filwe buino bobuñwi bo asalukeli ku silafaza. Musali u sepahalile ka zeo. Hakuna sibupiwa mwa lifasi se siswana sina musali. Hakuna nja ya musali, hakuna sa musali mwa mifuta kaufela, se si filwe buino bobuswana sina musali.

⁷⁶ Musali mane nasiyo neba mwa—mwa pupo ya makalelo, kakuli Mulimu na ziba kuli u ka wa. Zeñwi kaufela za sisali ne li ke za buka. Ki yena fela anosi yakona kubuka. Kambe na ezizwe sina kwa makalaleo, nelika shutana kwa butali bobutuna bwa Mulimu. Mwabona? Musali nabupilwe ka kuzwiswa ku ze bupilwe za muuna.

⁷⁷ Kono kakuli na beilwe kwa siemba seo, ufilwe hape kabelo ya puso ki Mulimu, ya kuliululwa. Una ni likalulo za sa swaneli ku silafaza.

⁷⁸ Haiba a li hatelela, u silafala bupilo bwa hae kaufela. Hakuna taba kamba u swalelwahakai, hakoni kubeiwa ya lukile. Nika tiiseza taba yeo ka kutiya. Nina ni Liñolo ka yona, mwa mizuzu yelikani. Wakona kuswalelwahusila fala kwa hae, kono hakoni kubeiwa ya lukile mwa bupilo boo. Nako kaufela ki ka musali. Mulemuhe cwale. Musali ufilwe zeo. Wakona ku swalelwahusila, kono isi kubeiwa ya lukile.

⁷⁹ Mibili wa hae ufilwe ku yena, kakuba sepo yetezi yezwa ku Mulimu. Hakuna nja ya musali, hakuna nyunywani, hakuna folofolo isili, hakuna sibupiwa sesiñwi se si cwalo. Batili. Musali kiyena fela anosi. Ka sona, musali ki... Libaka lelibezi za butokwa hahulu, musali uluketa kutisa bupilo mwa lifasi. Mibili wa hae ki sibaka sa kuhuliseza peu ya bupilo, kabakaleo kona libaka musali hafezwi musebezi wa butokwa woo.

⁸⁰ Cwale fa kona fomukona ku sa lumela, buñata, bwa mina baituti baza bulapeli. Kona ze ne silafalize lusika kaufela lwa batu, bona boozwa kwa simuluhobwani. Sibaka sa hae sa kuhuliseza peu ne si lyanganisizwe. Apepa mambile bani, Kaine ni Abele. Kezo iliñwi, bana bababeli. Mubale Mañolo. Uh-huh.

⁸¹ Mulemuhe cwale. Lu fumana kuli mibili wa hae kona sibaka mwa kuhulela peu, mi kacwalo ki musebezi o butokwa, kuli asike a silafaza zeo. Cwale, Na bulela cwale, kakutisa se mwa siswaniso, ka kumibonisa Keleke fo iyemi. Ha ni buleli ka mina basali. Kaufela se muli sona, ki mwahala hao ni Mulimu, kamba mina baana. Kono Ni ambola ka Keleke ni Kreste.

⁸² Cwale, ze kona za filwe, kuli atise bupilo boo Mulimu fela anosi akona kufa. Muuna hae wakona kuba mulwali wa kokwani ya bupilo, kono Mulimu una ni kutisa bupilo. Yeo kona niti. Buna ni kutaha, bupilo kaufela bu zwa ku Mulimu. Bupilo bufi kaufela buna ni kuzwa ku Mulimu. Bu lyanganisizwe, mi seo kona se si lieza kuba sibi, kono bupilo buna ni kuzwa ku Mulimu. Ki yena Mukalisi wa bupilo. Cwale musali una ni sak- . . . iliñwi . . .

⁸³ Ni bata kubulela lika zetalu fa zeo musali asa lukeli kuikambusa. Cwale, Ni bulela, mubeye keleke mwa minahano ha Ni sweli kuambola ka za musali wa nama, sina Paulusi mwainezi fa, mwa Maroma kauhanyo ya 7.

⁸⁴ Una ni musebezi wa butokwa ofilwe ku yena ki Mulena hae, ki maata amañwi a bukwala. Hakuna ze tibela buino bwakuba musali. Kiniti. Zeo lifilwe ku yena ki Mulimu wa hae. Ha lukeli kusilafaza buiswaloo boo.

⁸⁵ Haiba mane aeza se si fosahalile, una ni ku si bakela ku muuna hae asika mu nga kale, ni ku si lukisa. Kinto yeswana sina keleke yene nyezwi kwa mulao, haina ni kutaha fapila Kreste hape, kusikaba kale linyalo la bubeli. Una ni kuipulela cwalo. Ha sa ezi cwalo, mi upila ni muuna hae ka myaha ye lishumi kona ato li bulela, muuna una ni tukelo ya ku mu leleka ni kunyala musali usili. Ao ki Mañolo. Bubuki ki bupilo bo bu masila.

⁸⁶ “Josefa, si sabi, ku ikungela Maria musala hao, kakuli sa itwezi ki sa Moya o Kenile.” Na hupula ku mu lukulula kwa mukunda, mwabona, kasamulaho inza mu beeelize kale. Ha u beeela musali, kuya ka mwa bonela Mulimu, u munyezi kale.

⁸⁷ Mulemuhe cwale. Una ni musebezi wa butokwa ofilwe ku yena, obeilwe mwa pabalelo ya hae ki Mulena. Mulimu na mu file maata ao. Kuswana fela sina mo ne kuinezi mwa Edeni, wakona kubulela kuli “ee” kamba “awa.” Una ni musebezi o butokwa obeilwe mwa mazoho a hae, wa sa lukeli ku sinya. Busali sakata bo Ni ambola fa ki mukwa wa hae, buiswal bwa hae ka za baana. Ha ki kutuhelela muuna kaufela . . .

⁸⁸ Utalima fa mazimumwangala ni kubona babapali ba mafilimu haba tubetana, ni ku kumbatelana, ni kucikisana, ni kumbambala, ni basali baa. Musali ya eza cwalo, ki wa libubo lelimaswe. Wakona kuba ya ikutekile, ka mikwa yeñwi. Kono, mwabona, mwa pilu ya hae . . . Kanti, misinga yani, misinga ya foso, ifumaneha mwa milomo. Muuna ha tubeta musali, kuswana fela, ni kueza boozwa ni yena, kakata mane. Misinga ya foso ifumaneha mwa milomo ya musali ni mwa milomo ya muuna. Wakona ku mu tubeta fa lizoho, halina ku shangumuna maikuto a foso mwa misinga. Kono misinga ya foso i mwa milomo. Ni kubona bukuba boo kaufela mwa—mwa Hollywood kacenu, za ku cikisana ni kulatana ni basali, ni zeñwi cwalo, mi basizana babanyinyani inge batalima lika zeo. Ki kabakaleo buiswaloo bwaluna bu bolile ni kusinyeha, ni masila, mwabona, kakuli

libeiwa fapila banana. Yeo kin niti. Kuna ni kuba cwalo mwa lizazi la mafelelezo.

⁸⁹ Cwale mubeye keleke mwa minahano ya mina. Usweli kutubeka ni kuckisa, ni kuikopanya mwa lika zeñwi kaufela kwanda Linzwi, mutuhele diabulosi, ni tuto ni lipatisiso za sayansi, ni zeñwi cwalo.

⁹⁰ Mi, za sayansi, tuto, lika kaufela, luli li lyangani kuzwa ku Mulimu. Mulao kaufela olunani wa zwelopili u fumaneha mwa bu antikreste. Mulao wa lituto kiwa bu antikreste. Zwelopili ki ya bu antikreste. Wa Iwanisa Mulimu. Mu li, "Kulwanisa zwelopili?" Mulimu ukaba ni zwelopili, leliñwi la mazazi aa, yesike kuba ni lifu ku yona. Zwelopili ya kacenu yee itahile ka Satani. Ni ka mi bonisa zeo, haiba Mulena alata, busihu boo, mwa Bibele. Lika ze kamukana ki za Satani. Zwelopili yaluna yenca haina kuba ni yeñwi ya zeo kuyona.

Musali una ni busali sakata bobu swanelia.

⁹¹ Ki kabakaleo baana baezanga mo ba ezeza habali ni basali, kakuli basali baezanga mo ba ezeza habali ni baana. U iponahalisa k apala tuputula ha li kwande, ni zekama fa litalo, ni liapalo za baana ni zeñwi, hali mwa mikwakwa, inge aminyauka kwa ni kwa. Hakuna taba ka za bulela, wakona kuba yana ni buiswalo ku muuna hae mwakona kubela, kono, mwa meto a Mulimu, "Ki mubuki." "Yo kaufela ya ka talima musali ka ku mu lakaza u sa mu bukile kale mwa pilu ya hae." Mi u iponahlize kuba cwalo.

Mi ona zeo kona ze i eize keleke ni lifasi.

⁹² Mulemuhe. Zeo kona zefilwe ku yena: buiswalo bobu kutekeha, busali sakata, mi hape ni bushemi sakata, u kuteka muuna hae.

⁹³ Amatalime fela kacenu. Mwa litolopo zeñwi, litolopo zeñata, mane bana ni mikiti yemituna yeba biza katengo, ma memebala ba keleke, ni bona. Ba tubula likuwani zabona balibeya mwa mubu, mi kaufela bona ba kolwa ni kubeya linotolo zabona kuzona. Musali kaufela uyo zwisa sinotolo mwa kuwani, ya muuna ya ka pila ni yena kwa mafelelezo biki. Mifuta kaufela ya mikiti yecwalo! Ili mane, Nina ni zeñata hahulu za kubulela fa, haiba Mulena alata, Hanina nako ya kukena ku zona. Mwa masila a cwalo!

⁹⁴ Mi keleke seli yemaswe feela, kiniti, ieza bubuki ni lika kaufela, mi haina musebezi wa kukena kuzona. Mbwesha ha ne i ka pila fela ni Linzwi.

⁹⁵ Miyaho ki yeminde. Lipatela li iketile. Lika zeñwi ze kaufela ki zende. Litukiso za lituto, ki zende kaufela. Luna ni kupila kulo fa, inge lubala, kuñola. Yeo ki iliñwi ya puso ya bupilo.

⁹⁶ Inge kuli, ne lu sa lukeli kutinanga liapalo, kwa simuluho. Ni ka kutaza fa taba yeo, mafelelezo a biki yee, Mulena ha lata.

Kono luna ni kuapal litino kakuli Mulimu u lufile litino. Kono, kwa simuluho, ne lu sa li tokwi. Ne lu apesizwe.

⁹⁷ Cwale u apesizwe kwa sibi sa hae. Mane ha zibi kuli usweli wa eza sibi, mwabona, sina mwa na bezi linako zaani. Ka zona... Cwale u apesizwe ki diabulosi; nako yani na apesiwa ki Mulimu. Kona shutano ya zona.

⁹⁸ Cwale lu fumana kuli u filwe pabalelo yesepeha yeo asalukeli ku sinya: ya busali sakata, kezo, abe ni buiswalo bwa hae, ahulise bana ba hae, abe ya likute ku muuna hae.

⁹⁹ Mazazi aa, baiseza ngana nyanaku zona kufita sika kaufela mwa lifasi. Mu lukela kuina mwa ofisi yaka nako yeñwi mi mubone baana habatisa basali babona, habalika kubakela lika kamukana ku Mulimu ni kubulela kamukana baana bo ba pilile ni bona, ni lika zeñwi kaufela, kuzwa ha ba nyalana. "Oh," mu li, "zeo ki..." Batili. Bao ki Mapentekota. uh-huh. Basili habana kutaha. Kacwalo ki...

¹⁰⁰ Ni ambola mo likona kufelela, hamukala kukopanya ni lika za lifasi, ni keleke, mi lika za mitinelo kaufela ni zeñwi zelunani. Halusa swana ni mo ne iinezi Pentekota ya makalelo luswana sina musihali ni busihu. Lu se lu yambaeleta kwahule, kukena mwa lififi leliñwi la ziyezi, mi lulatehile.

¹⁰¹ Ha ki musebezi kwa kusepahala! Ha ki musebezi ni woo ku musali! Cwale mubone ha li mufuta wa Keleke, yena ni musebezi o swana. Sina musali mwa bezi ni musebezi wa busali sakata, kwa buiswalo bwa hae, ku muuna hae, Keleke ina ni musebezi o butokwa wa litapelo ni Linzwi, ni ku Kreste, ka kuswana fela sina musali mwa bezi ni ona.

¹⁰² Mi cwale musali ha ka yembuluka ni muuna usili; keleke ha i keluhela kwa litukiso za miyaho yee, ni litukiso za miyaho ni likolo, ni zeñwi cwalo. Ha ni ba lwanisi. Kaufela zeo ki zende. Lieza misebezi ya zona. Kono ha ki zona...

¹⁰³ Jesu na si ka bulela kuli, "Muye, myahe likolo." Na ize, "Mukutaze Linzwi."

¹⁰⁴ Foo kona fo ba Li tobohela. Isiñi kuyaha miyaho, lipatela, ni zeñwi cwalo. Zeo kaufela liiketile, kono woo hakiona musebezi wa Keleke. Musebezi wa bona ki ku kutaza Evangeli, kono luna luezize lika zeñwi kaufela kwanda ze lukela. Mi lu se lu kelihezi kusili, inge fela Satani mwa na ezelize, ni ku li zwakanisa ni Evangeli isili, nto isili fela, ni nto isili fela, kufitela litubula sibunga sa noto. Kubola, neba zaluna kaufela, lifasi kaufela! Mutualime muinelo wa lifasi.

¹⁰⁵ Ne ni bala *Reader's Digest*, kwanu ha ki kale hahulu, koo basizana bakena mwa kuyema lupepo, mi baana, cinceho ya bupilo, mwahala myaha ye mashumi amabeli ni mashumi amabeli ni zeketalizoho zakupepwa. Bafita mwa myaha ya bunca bwabona. Kubola (Kiñi?) bakeñisa lipatisiso za sayansi ka za lico

ni lika ze sinyehile, kuzwa mwa lika za nama zeluna ni kubeya mwa mibili yaluna. Halu sesiñwi kono lu sicaba se si sinyeha.

¹⁰⁶ Cwale, kona mo iinezi keleke cwalo, hape. I mwa buino bo buswana.

¹⁰⁷ Ki mufuta wateni. Ina ni maikuto aswana ka Moya, lifilwe ku Yona, kuli ibuluke Moya ni Linzwi, mi kusina kueza boozwa ni sesiñwi sa lifasi kamba sika sisili fela. Mupile ka buiswalo hande bwa bwalanjo kwa Linzwi, sina musali hana ni kupila ka buiswalo ku muuna hae. Ki musebezi o sepeha, ku kuteka Linzwi la Mulena Hae fahalimwa tuto ifi kaufela ya ipangezi mutu ya tumelo, butali, kopano yeliteni kamukana. Keleke ifilwe musebezi o sepeha woo.

¹⁰⁸ Ha ba li, “Kihande, keleke . . .” Hanina taba kamba keleke yahenu ilumela sikamañi. Haiba kwa shutana ni Linzwi la Mulimu, muinele kwahule ni zona.

¹⁰⁹ Bibebe ibulezi kuli, “Jesu Kreste ki yaswana maabani, kacenu, ni kuyakuile.” Mareka 16 iize, “Lisupo ze li ka ya ni ba balumela.” Haiba keleke ikutaza zeshutana ni Zeo, mina musike. Mu shwe kwa lika zeo. Mu pepwe sinca, kwa Linzwi la Mulimu. “Muye mwa lifasi kaufela mi mukutaze Evangeli kwa libupiwa kaufela.” Kona butelele bo Li kona kuya. “Lisupo ze li kaya ni baba lumela, mwa lifasi kaufela, ni kwa libupiwa kaufela ze ka lumela.” Mwabona mo lubanzi kwahule ni Zona? Luli. Kono unani musebezi wa Zona.

¹¹⁰ Kono cwale mutualime kuli, Hollywood, i amuhile libyaza za buiswalo bwa basali.

¹¹¹ Ni inzi fa inge ni talimela musali muhulu, Kezeli Schrader, buñata bwa basali kwanu, ni kwa mulaho, mi Kezeli Moore kulo fa, basali baba hulile baba hupula myaha nyana ya kwa mulaho. Haiba maa bona, kamba neba bona, neba ka zamaya mwa mikwakwa, mo ba zamaela basali babañwi ba kacenu, ma membala ba keleke, neba ka kiyela musali yoo kakuba ya sitani. “U libezi kutina sikoci sa hae.” Kihande, haiba neli kusitana nako yani, isali kusitana ni cwale.

¹¹² Kihande, mutualime, lifasi kaufela lipaka kuli ki bukuba kusitana. Mutualime kwa babulai ni lika zesweli kuezahala cwale mwa lifasi. Mwabona? Bukuba!

¹¹³ Taba yateni kaufela i taleleza Sinulo. Lwakona kufita ku zona, mwa biki yee. Koo, lika zesabisa zani, zeo ha ki za nama. Zeo ki lika za moyo, zetisa kuli batu bahuwele kwa macwe ni malundu, ni lika zeñwi kaufela, kuli liba wele.

¹¹⁴ Bukuba bobutuna, lifasi le likakena kubona ka kufelelela, kapili ona cwale fa, selili kuzona cwale. Kiñi, mwabona mihato ya zona. Ki zeo foo. Ki—ki kuzamaya fela mwa mikwakwa, kukena mwa lipula za keleke, bukuba kakutala, kueza lika zasike kueza mutu ya nahana hande ni ya zwezipili.

¹¹⁵ Mutualime se i ezize Hollywood ku musali. Mutualime mo liinezi. Li byanguzi busali sakata bwa musali. Cwalo cwalo, neluka li latelela. Mwabona?

¹¹⁶ Kaufela zeo u li latehezwi. U li latehisize cwani? Kakuli nekuna ni sibyana se sibutali se si bizwa keleke, sina mo nekuinezi mwa simu ya Edeni. Mutu ya butali, ki diabulosi, ataha mwa keleke sina mwa na ezelize mwa simu ya Edeni, ni ku to mu kwasheka kukena ku zona. U pumilwe. Musali u nahana kuli... ha lukeli ku fosa.

¹¹⁷ Eva na sa bati kueza mafosisa. Ne si ka ma boomu. Kono yena... Bibebe ibulela kuli, mwa Timotea Wabubeli, Timotea Wapili 3, "musali na pumilwe." Mi *kupumiwa* ha ki ha ulakaza kueza sika. Ki ha u pumiwa kueza sika.

¹¹⁸ Mi ona zeo luli kona ze ezahalile kacenu. U pumilwe, ka mazimumwangala, ka mitende, ka sicaba see, lika zee, lika zende ze kaufela ze sweli kuezahala, kwande mwa mikwakwa. Basizana ba kacenu, ba buha mitende ni kubuha maswaniso. Ba talima mwa mikwakwa. Ba bona liapalo mwa lintolo. Moo Satani, sona siitusiso tuna sani sa—sa lihele, se sitilefafasi mwahal sicaba ni ku ba puma kuli bakene mwa litaba zeo! Mi musali u nahana kuli u iketile. Kanti u shwile mi hazibi cwalo. U inezi kwahule luli ni Mulimu. Mubone mwa latehezwi ki zeo kaufela, ni mo ne libezi za butali luli?

¹¹⁹ Kacenu, Ni bata kuli mu lemuhe. Jesu na ambozi ka zona. Hape, haiba mutabela ku i bala, Jesu na bulezi kuli taba ye ika ezahala (Kana mwa ziba cwalo?) mwa lihola za Hae za maungulo, mane Asika takiswa kale. Ha lu ibaleñi fela, Muhalalehi Luka, mwa—mwa kauhanyo ya 23, mi fa nako nyana fela, inge tuto ya sikolo sa la Sunda. Lukale ni timana ya 27, Ni lumela kuli Ni i ñozi fa. Jesu uya kwa Kalvari. Muteeleze hanze Ni ibala. Ku lukile. Muhalalehi Luka 23:27, Na lumela, kona fo lubata. Zeñozwi zaka libonisa ona cwalo. Eehe. Ki ye faa.

Undi wa nyangela bwa mu latelela, ni... basali, baba inata fa sifuba babalila kabakala hae.

Kono Jesu a fetuhela kubona ali, Basali ba Jerusalema, musike mwa lila kabakala ka, kono mulile kabakala mina, ni bana ba mina.

Kakuli, hamubone, lizazi la—mazazi a taha,... ha ba kali, Ba ba na ni mbuyoti ki basali ba ba umba, ni ba mazwele a si ka anyisa.

¹²⁰ Munahane, kacenu, maswabiswa a musali kuli abe ni mwana. Mwabona?

Batu ki ba ba ka kala kubulelela malundu bali, Mu luwele fahalimu; mi mu-... ni kwa tulundu bakali Mu lukwahale.

*Kakuli ha ba eza zeo kwa kota yemezi, ku kaba cwani
ku ye omile?*

¹²¹ Kubulela ka lizazi leo basali basike ba tabela kuba ni bana. Ba bata nja kamba kaze, kamba nto yecwalo, kono musali ha sa tabela bana ni hanyinyani. Kiñi? Musali cwale sali “Musali Muhulu ya Hamulehile” haiba uba ni mwana. Mwabona? Ha sa lata cwalo. Zeo ki—zeo ki litaba za Hollywood. Ha tabeli kuli mufumahali wa hae abe “Musali Muhulu ya Hamulehile.” Kacwalo uka ba, ukaba ni kupazuliwa fa mubili wa muuna bakeñisa musali, alimuñwi, ze ka ba hanisa kuba ni bana. Ha balati bana.

¹²² Jesu na bulezi ka zona. Mi ki sikamañi sa Na bulezi? “Ka nako yeo ba ka kalisa kulilela kwa macwe ni maundu kuli ‘Mu luwele fahalimu.’”

¹²³ Musali uka tibela lupepo, kuli ayange kwa mikiti. Ha sa lata kukatazwa ki mbututu ya muanya. “U ka mu sinya siyemo. Ha itwezi, ukaba ya, fela mubonahalelo. Hasana kubonahala mwa na bonahalela sapili.” Mi muuna hae, uba sitimbi sesituna kuli mane umu tuhelela kuba ona cwalo. Hana ku mu pepela mwana.

¹²⁴ Jesu na bulezi ka zona. Mi ki Hali, kuli—kuli, hane baswelii kueza cwalo, ka nako yeo ba ka lilela kwa macwe kuli aba wele fahalimu. Ki Kutaha kwa Mulena.

¹²⁵ Balifa masheleñi amañata mabunda-bunda kwa likae, linja, kwa bashemi. Yeo ki niti. Una ni kubabalela sika, kakuli ki lika za mufile Mulimu.

¹²⁶ Na lemuha. Ni zuma folofolo yetuna. Bere yetuna mwa nako ya litabula, haiba i swanile bere ya muuna, ikaba ni bana baba ka pepwa. ki twana totunde luli, mwendi tuna ni bukiti bobutuna nyana. Ikaba tueza kuli tubapale ni kuipata, kakuli ika pepa twana totuñwi hape. Tu pepwa mwa kweli ya Yowa. Bere hakuna zeiziba ka zeo.

¹²⁷ Tu pepiwa mwa tusaka nyana. Kuli mane Mulimu utukonisa ku ikwalulela masaka ao, tona tuñi, totunyinyani...ki kasaka nyana inge pepa. Twa fumana nzila ya kutaha ka yona. Maa tona inge alobezi buloko. Hakuna ze icile kuzwelela kweli ya Yenda, mi ye seli Yowa. Twa taha mi tu to anya kufitela fahala kweli ya Kandao.

¹²⁸ Mi cwale haibona twana twa yona, ki totunde hande totukima, mwendi twa bukiti, bwa lipaundi ze lishumi ni zeketalizoho. Tu anyize ku yona. Mo i fumanela mabis, ki mulelo wa Mulimu. Ya pila, yona kasibili, ni kutisa mabis a twana twayona.

¹²⁹ Mi cwale haiba kupepa kwa yona haku ezahali, mi haiba twana ni totukana, ika bata bata bana ba...mwaha ofelile, ni kuba uta nako ya mbumbi yateni kaufela, kakuli ki ngana yefilwe ki Mulimu. Kuli ina ni kubabalela sika.

¹³⁰ Mi haiba musali ha pepeli muuna hae mwana, ukanga nja kamba kaze, kamba sika kaufela. Una ni kuuta sika. Ki sibupeho sa hae. Kono kuli apepele muuna hae mwana, ni ku mu huliseza kwa sebelezo ya Mulimu, zeo kakutala kona zeli mwa mukoloko wa hae. U lukela kuba... Oh, una ni—oh, ukaba ya swabile hahulu, hana ka eza cwalo, ka silalanda sa hae sa mufuta wa lilato la basali ba 1965 ye.

¹³¹ Siswaniso sa niti sa keleke ya kacenu! Mane ni yona keleke ya kacenu haibati lika zecwalo faa, kukalumuka, kuhuwa, kubulela ka malimi, Likezo 2:38 twana tuba bukaufi ni yena. Ehe. Ehe. Mwabona? Ehe. Halati kuli kube ni kaka bokolola, ni kulila, ni kuhuwa, “Amen! Haleluya!” Kiñi, mwana yacwalo uka lelekwa kapili mwa kopano ya hae. Ha nebana ni alimuñwi ya cwalo mwa likeleke, kiñi, neba mu zwisa mwateni kapili.

“Kiñi ze mu tuhelela mutu yacwalo kuzwelapili fa nako yetelele?”

¹³² Kacwalo, mwa bona, u itwezi, kakuli usweli kupepa ma membala nako kaufela. Kono halati neba yomukana kuli ahuwe, abokolole, akalumuke, Likezo 2:38, libupiwa zemaswe kuya ka mwa nahanelu kuli kona mo li inezi. Ne li ka mu swabisa luli. Ne li ka mu ziyeza ni baituti ba hae, baza buiswalo, ba keleke ya katengo ka sayansi kona koo afumaneha. Neba ka mu kasheza kwande, mwa mukopano otatama. Hakoni kuba ni zeo. Kacwalo hatabeli kuli aitwale ka Linzwi, kakuli woo kona mufuta fela o Linzwi likona kupepa.

¹³³ Babapepilwe ka Moya wa Mulimu, una ni Moya wa Mulimu ku ona. Ha ki za kuikopanya ka ngana ya butu ni kuya kwa keleke, kukuta milili, kupenta lifateho; hakuna taba yecwalo ku Zona kaufela. Hamu fumani zeo mwa Linzwi la Mulimu. Mufumana fela mufuta wa kale, o kenisizwe, mwana yatezi Moya o Kenile, ya pepilwe ka Moya wa Mulimnu, inza huwa, ya kalumuka, ya bokolola, kulumba Mulimu.

¹³⁴ Zeo kaufela haliyo mwahala za hae. Ha lati Zeo. Oh, batili, sha! Batili, kutokwa. Kisikamañi sa eza kanti? Kipeto utisa zepeli mwateni, katengo ka kupenta lifateho, kutina tuputula, ka Jezabele, ki “likaze,” za mwa bunyazi kona mo ba li bizeza, Na sepa ki cona. Mwabona? Ni sepa ba li biza kuli likaze. Mwabona? “Mutalime kaze yeya fani yani,” ba bulela, kamba nto yeñwi yecwalo, mwa ziba.

¹³⁵ Na pepilwe, kamba kunyalwa, ni kutamahana ku muuna hae wapili, Adama wa makalelo, ka musali wa litanya, Eva, musala Adama wa pili. Mu li, “Litanya?” Luli nali cwalo. Kono, oh, u bulela kuli Adama yoo, Adama wapili yoo, u shwile. “Oh, luli, u shwile kale kale koo. Na ni pepilwe, hape,” a bulela, “mi Ni nyezwi ku Adama wa Bubeli, Kreste, yena Linzwi.”

¹³⁶ Cwani? Mulemuhe za lata. Mutalime mulati wa hae, mubata kubona yali ni yena mwa lilato. Linzwi libulela *Se*, kono yena uli,

“Keleke yaka ibulela se.” Kipeto kimañi yali ni yena mwa lilato? Muuna hae ki mañi? Miselo ya hae ipaka yo ali yena. Kicona luli, i bonisa seo ali sona. Mulemuhe. Na pepilwe, pili, ku Adama, kakuli kwani ki kupepwa kwa hae kwa nama. Mwabona? Mi ali kuba asiye zeo. Yoo ki mulati wa lifasi. U ipapata kuli upepilwe la sinca, ku Kreste. Kono mulati wa hae, mulemuhe, ki Adama, ibo, kakuli ulata lifasi.

¹³⁷ Mi nto—nto yeñwi, mulemuhe mufuta wa bana basweli kupepa. Seo sibonisa fo kusweu ndata bona sa li sona, kamba ki Adama wapili kamba Adama wa Bubeli. Haiba Keleke ipepa mwana wa Adama wa Bubeli, u eza sina Adama wa Bubeli mwa na ezeza, sina mo ne ba ezelize ka Lizazi la Pentekota. Bao kona bana ba Adama wa Bubeli. Mwabona? Luli. Sibupeho sa bona siswana sina sa muuna ni musali. Eni, sha. Bana ba hae ba basizana, lifateho ze pentilwe, milili ye kutilwe, ba apala liapalo za baana, malukwe. Bibebe ibulezi kuli musali “asike a eza cwalo.” U kukula milili ya hae. “Ki maswabisa ku yena.”

Mu li, “Kuza wena, ku zeo.”

¹³⁸ Kona se li bulela Linzwi. Ni supeza fela ku za taho. Kona za ezize.

¹³⁹ Bana ba hae babashimani, bashimani baba pepilwe ku yena, baitingile fa tuto, likolo, sikolo sesiñwi sa Bibebe, mo ba li bizeza, koleji yeñwi yetuna yelukela kuba nako yetetele kale koo, kona ye ba pepezi, mwa sifutumaliso sa mufuta omuñwi cwalo. Babati ba za likopano, bulapeli bobuswana ni Kaine, ki ba bunyazi fela kwa Linzwi sina Kaine mwa na inezi; luli, ba bunyazi fela sina Kaine mwa na inezi, luli, babati ba likopano. Mwabona seo sili sona?

¹⁴⁰ Mulimu ali kuba aongaonge kopano. U bile ailwanisa linako ze kaufela. Linzwi la Hae la i lwanisa.

¹⁴¹ Kono bona ba kumalezi ku yona, kacwalo mwabona ze bapepile. Zeo libonisa ndata bona ni maa bona mwa inezi. Kiniti. Kiniti. Wa bunyazi fela sina Kaine mwa na bezi. Kona mufuta wa mwana ya na pepilwe ki Eva. Ba ba kwahule ni Linzwi, mi cwale mubone sa na pepile. Kona se ipepile keleke ona seo, ki nto yeswana.

¹⁴² Nakona ku mibonisa zona, ka Linzwi, kuli koo kona tuto ni zwelopili ko itahezi, ka Kaine. Yeo luli ki niti. Kakuli ba ipapata cwalo... Kono bona—bona baipapata kuba bana ba Mulimu, kono ki ba bapepile ki kopano, balutilwe ki sikolo sa likopano, lika zeñwi kaufela. Yeo luli kona niti. Butali, kutalifa! Mawi! Ki mwa na iinezi ni noha, ndata bona. Kiniti. Ka butali fela ni bakutazi ba sayansi hahulu sina Kaine mwa nabezi. Mwabona? Ki nto yeswana fela.

Mu li, “Muzwale Branham, kana ki niti yeo?”

¹⁴³ Muapule mwa Genese 4:16 ni kufumana. Mukutele mwa Genese 4:16, fa muzuzu fela, mu ka fumana mo ne li ezahalezi.

Cwale Kaine azwa . . . fapila MULENA, a yo yaha mwa naha ya Node, kwa nekula upa wa Edeni.

Kaine a ziba musala hae; mi aitwala, apepa Enoke: mi a yaha munzi, mi ubeya libizo la Enoke, la . . . mwana, hae.

¹⁴⁴ Ku yo punya ni kwa Tubali, kushetumuka, kakuli neba kalezi, kutisa bapangi ba lilimba zende, za lipina, ni zeñwi cwalo. Zwelopili ne itile ka Kaine, kiniti, miyaho litolopo, lilimba. Baana ba sayansi ne ba tile ka Kaine, ki peu ya noha. Cwale ha mu talime timana ya 25:

Mi Adama aziba musala hae hape;

¹⁴⁵ Cwale, na mu zibile hañwi mi musali apepa bana bababeli. Mubale Mañolo. Na peile Kaine ni Abele. Kezo iliñwi, ni bana bababeli. Mu li . . .

¹⁴⁶ Ba ni bulelezi cwana, ha ki kale hahulu, ne lisike za konahala, kuezahala. Luna ni taba mwa Hollywood. Hollywood? Luna ni taba mwa Tucson ona fa cwale, imwa kuta. Musali apepa mwana yomunsu ni mwana wa mukuwa, ka nako yeswana. Ba bulela kuli hakoni kuba ni zeo. Wakona kuba ni lipeu zepeli zeiketile, hape. Bana ni yona tabe yeo cwale mwa kuta. Ni ziba kuli linja zakona kueza cwalo. Lifolofolo zakona kueza cwalo. Mi ufitile foo, mukuwa ali, “Na ni ka tusanga fela mwanake, kono isiñi yoo.”

¹⁴⁷ Mi musali apatulula niti. Na pilile ni muuna hae kakusasana wani, ni muuna yomunsu musihali. “Haiba ki mwahali,” madokota bali, “mwa nako ya lihola ze tweti-foo, zakona ku ezahala haiba kuna ni peu ye nani mununo mwateni.” Mi teñi kwani a eza cwalo.

¹⁴⁸ Mi ona zeo kona ze ne ezahalile ni fa. Kaine kuli . . . Satani, kakusasana wani, ku noha; ni Adama, musihali wani. Fani musali ha . . . ba ni bana bababeli.

Cwale, Adama aziba musala hae hape (ka nako yabubeli); mi apepa mwana mushimani, . . .

¹⁴⁹ Muhupule, hakuna sibaka mwa Bibele fo ku bulelwa kuli Kaine nali mwana wa Adama. Ili, “Na li mwana wa ya maswe,” isiñi Adama, “neli diabulosi.”

. . . amu ziba (ka nako ya bubeli), mi aziba . . . mi apepa mwana mushimani, mi amubeya libizo la Seta: Kakuli Mulimu, kubulela yena, na ketile . . . (Yani neli Peu ya niti.) . . . u ni file peu yeñwi bakeñisa ya Adama, ya bulaiel Kaine. Kacwalo . . .

Mi ku Seta, apepa mwana mushimani; mi amubeya libizo la Enosi: mi batu bakala kubiza fa libizo la MULENA.

¹⁵⁰ Isiñi kuzwa ku ba Kaine, lusika lwa batu lwani, kono kuzwa mwa lusika lwa Seta.

Kacwalo, "Kaine ki yena ya maswe." Ko ne kutahile noha.

¹⁵¹ Cwale mulemuhe. Bibebe ibulela patalaza fa, kuli, "Muuna hae wapili na lukela kushwa," isiñi fela kulelekiwa. U swanelu ku shwa.

¹⁵² Kona ni sa zo fela kukutza fa *Linyalo Ni Telekano*, mi kaufela mwa ziba ka zona. Ha ni buleli cwale, kaufela hamoho, kopano ye mo, kon ni kwande a naha. Ku lukile. Cwale mwabona sene si ezahaleli kwani, mwa *Linyalo Ni Telekano*. Kanti ki . . . ? . . . Maswayo Asupa na bile teñi, kona ana patuluzi Niti yateni.

¹⁵³ Kacwalo, ku nyalwa ku Adama wa Bubeli, Kreste, yena Linzwi, u lukela kukauhana ka lifu, kuzwa ku muuna hao wapili wa kopano, kakuli hakuna neba alimuñwi wabona yakona kunga Linzwi la Mulimu kakutala. Muni bonise fela ko kuinzi yeo. "Oh," mu li, "waka." Mutu yomuñwi uli ki wa hae, niyena. Muba beye hamoho, mi muka fumana kuli bubeli bwa mina mwa fossa, mu sa ikopanya fela. Mubale Sinulo 17. Kacwalo, mwa bona, mu lukela kushwa kwa lika zeo.

¹⁵⁴ Cwale, Hani buleli kwa puteho ya kwanu yee. Ni ambola kwa naha kaufela. U lukela kushwa ku muuna hao wa makalelo. Haiba u tamahani ku Kreste mi u sa nyezwi kwa kopano, u mubuki. Ki wena Laodesia.

¹⁵⁵ Keleke yeliteni mwa naha kaufela, lu latelela Jesu Kreste, yena Linzwi. Kuba ku Munyaliwa, ulukela ku ba ya nyezi kwa Linzwi la Mulimu, ili yena Kreste. "Kwa simuluho nekuna ni Linzwi; mi Linzwi nali ku Mulimu, mi Linzwi neli Mulimu. Mi Linzwi aewa nama mi ato yaha ku luna."

¹⁵⁶ Haibile fela mu luta lituto za lizo za batu mwa likopano, mu bizwa, mwa Linzwi la Mulimu kuba, "mubuki." Haibile fela u mubati wa tuto ya litumelo za likopano, ufumaneha kwa keleke ya kopano yelatula Linzwi, u "mubuki," ki se ibulezi Bibebe.

¹⁵⁷ Jesu naize, "Haukoni sebeleza milimu yemibeli ka nalo yeswana. Ukona kusebeleza Mulimu kamba Mamona." *Mamona* ki "lifasi." "Ya lata lifasi, kamba lika za mwa lifasi, lilato la Mulimu mane haliyo ku yena." Peu ya Mulimu haikoni kuba ku yena ka nako yeswana (lilato la Mulimu) lilato la lifasi liteni mwateni. Peu ya Mulimu ha ibeleka ku wena, kona Linzwi la Mulimu. Lilato la lifasai halikoni kuba mwateni ka nako yeswana. Cwale ika milili yekuswani, ni tuputula, ni lifateho ze pentilwe? Cwale likai zeo he?

¹⁵⁸ Haukoni kuba yasina litiba ku Kreste, yena Linzwi la Mulimu, mi ni kusebeleza likopano za batu ka nako yeswana. Za shutana kwa Linzwi. Paulusi wa bulela faa. "Kwa libaka?" Maroma 7.

¹⁵⁹ Mane hamukoni neba kuutwa bana ba Mulimu, ba Linzwi la Hae, kutaha kwa sikhata sa kopano se. Hamukoni kueza cwalo. Mwa sikalamunanga sa mina, hamukoni kupepa mwana wa Linzwi la Mulimu. Ni ambola kwa keleke. Kono niteñi ubulela kuli u wa bulapeli. Kona mwa na inezi ni Kaine, mwana wa mushimani wa Eva wa lihule, ayaha tutala ni kufa sitabelo, mi alifa za bulishumi za hae ni kueza lika kaufela za na ka eza muuna wa bulapeli. Kono apalelwa kubuluka Linzwi lani. Apalelwa kuba ni sinulo.

¹⁶⁰ Mi sinulo ki yona inosi fela, yeo ki sinulo ya Linzwi. Ki sikamañi... Sinulo ki sikamañi? Jesu naize, "Fahalimwa licwe leo Ni ka yaha Keleke ya Ka, mi minyako ya lihele haina ku I koma." Tumelo ki sinulo; kakuli Tumelo i patuluzwi ku wena.

¹⁶¹ "Abele, ka tumelo, afa ka sinulo (tumelo), afa ku Mulimu sitabelo se si kateleha hahulu kufita sa Kaine."

¹⁶² Kaine na hupula kuli ne ba cile ma apule. Ba sa na ni mulelo ona woo, kono ne si cwalo. Ne li boozwa, peu ya noha. Mi kwani Maswayo Asupa ha kwaluha, ali paka ni ku bonisa ona cwalo. Buka yaka i ñozwi ka zona. Ni sepa luna ni zelikana sikití cwale. Mwabona? Mulemuhe. Zeo ki za Mañolo, kuzwa mwa Genese kufita mwa Sinulo.

¹⁶³ Kwa nako ya maungulo, likota zepeli hamoho lito iponahaza. Ki luna ba faa, ona la kacenu, Laodesia ni Munyaliwa, ka kupatalala fela mo li lukela kuba mwa Mañolo, ni fapila lifateho za mina. "Ha ukoni kusebeleza Mulimu ni mamoma." Wakona kuba Mukreste ya yemi hande ka Bibebe ni kuipeya mwa silikani sa kopano. Hamukoni fela ku lieza ka nako yeswana. Yeñwi ina ni kushwa, mi yomuñwi apile.

¹⁶⁴ Mane hamukoni neba kuutwa mwana wa Linzwi la Mulimu. Neba yona keleke haikoni kueza zecwalo. Ha balati yeñwi ya zona, bana baba huwa, baba kalumula ni kubulela ka malimi, ni lika zeo kaufela. Bona, haukoni kueza cwalo mwa keleke ya kopano. Habana kuba ni wena. Ha ba bapepi cwalo. Ba banga ni kuba swala mwa mazoho mi bali, "Haiba u lumela, una ni Sona. Haibile ubeya libizo la haoa mwa buka, kona fela zona ni kueza." Mwabona? Ki—ki bana ba mwa bunyazi kwa Linzwi, ba sa ipapata kuba ba bulapeli.

¹⁶⁵ Kacwalo, ba filwe mba ka butali bwa Satani ni zibo, keleke se ibile cwalo! Ba luma sicaba sa bona kwa likolo, ku yo ituta mwa ku bulelela "amen" ka swanelo. Ba ba luta mwa kubulelela lika ze kaufela, ni kuba fela ba bunangu. Kisikamañi seo? Ki kuitwala ka diabulosi. Ki sikamañi Satani sa na beile fa mba Eva ka sona? Ku sa lumela Linzwi, la baituti ba butali, bababutali, mi za sinya pupo kaufela. Kona za eizize luli ona zeo kwa Linzwi kacenu, kwa keleke. U itwezi ka likolo za Bibebe ni likoleji, ni lika kaufela ze cwalo, kubala, kuñola, lipalo, mi hakuna ze ba ziba za Mulimu sina Mbonezikai mo asa zibeli busihu bwa

Egepita. Ba ziba lituto za litumelo zabona kaufela, libuka za litapelo zabona, ni lika zeñwi kaufela, kono hakuna ze ba ziba ka za Mulimu.

¹⁶⁶ Ba ziba Linzwi ha li patalazwa, Mulimu na ha bulezi kwa mulaho kwani ni kutomela Linzwi la Hae kwa lusika kaufela hananza taha cwalo. Se kutaha Nuwe mwa mulaho, mi akutaza kwa lusika lwani.

¹⁶⁷ Cwale, kucwani kambe Mushe na ka taha mwa mulaho, ni kubulela kuli, "Ha lu yaheñi areka"? Na sa zwile mwa bukwala. Kono nali mupolofita. Na na ni sinulo ya Mulimu.

¹⁶⁸ Mulimu ali paka kuba Niti. A tisa bana, Isilaele azwiswa, mi abonisa Siita sa Mulilo fapila bona, ni kupaka mupolofita; mi abulela fela za Na na ni kueza, mi A lieza.

¹⁶⁹ Se bali, "Mulimu asike a bulela. Mushe abe yena ya bulela, lukasuhana lu shwa."

¹⁷⁰ Ki hali, "Ha ni sa ambola ku bona ka nzila yeo, kono Ni ka ba fa bapolofita, mi ba ka bulela."

¹⁷¹ Nekuyemi Isaya ali kuyema fani, ali, "Mwalanjo uka ba fa mezi amanca." Muuna yaswana sina yena mwa lizazi lani... Mwalanjo ukona kuba cwani fa mezi amanca? "Ku luna Mwana upepilwe: Mwana upepilwe, lufilwe wa Mushimani. Libizo la Hae ukabizwa, 'Muelezi, Mulena wa Kozo, Mulimu Yamata, Ndate wa Kamita.' Fa Lubona lwa ndata He, Davida, U ka busa. Hakuna kuba ni mafelelezo kwa Mubuso wa Hae." Li kaba cwani? Na sika ziba. Na bulezifela za na bulezi Mulimu. Lifitelela kwahule minahano, maikuto a mihipulo. Lifitela kwahule lipatisiso kaufela za sayansi. Ki Linzwi la Mulimu.

¹⁷² Cwale lu kenyize mwa likolo baituti ba luna mwa mifuta kaufela ya lituto za Bibele ni lika zecwalo zeo, lituto za ipangezi mutu, lina ni sikwata sa keleke ki Laodesia fela ona cwalo, sina Mulimu mwa na bulelezi kuli kona molika bela. Oh, mawi! Ha Ni talima zeo, za ni njanjisa. Kuitwala ka maikuto a minahano ya butu! U lukela kuba muituti yafelize sikolo mane usika kena kale. Una ni kuba... Una ni kuyema fapila mutatubi wa kulyanga kwa booko usika beiwa kale fa bukutazi.

¹⁷³ Mwakona ku nahana Pitrosi, Jakobo, ni Joani kuli nebaile ku mutatubi wa kuijeta kwa booko? Muhupule baba mwanda ni mashumi amabeli bani fahalimu fani, bene ba sa koni neba kuñola mabizo a bona? Bayeme fapila mutatubi wa buiketo bwa booko, abone haiba bana...haiba kaufela zabona... haiba musinga wabona no iketile, ni zeñwi kaufela? Nebana ni musinga, kono ne si mubonelo wa ngana ya butu kamba patisiso ya sayansi. Ne li ka Mata a Mulimu. Ha Li yo ba nata, hakuna zene ba ziba kwanda kueza fela Moya o Kenile so no bulezi. Neba si katokomela za ngana ya butu ifi kaufela, sene i bulezi keleke, ni sene ba bulezi baprisita, sana bulezi *yoo*, ni sana bulezi *yani*. Ba zamaya ka Moya; baana babasina boy.

¹⁷⁴ Joani Wapili 2:15, Na ize, “Ha mu lata lifasi, kamba lika za lifasi, lilato la Mulimu mane haliyo ku mina.” Mwabona? Kona kuli ukona kuba cwani ya beilw fa mezi amanca ka Linzwi la Mulimu le li nyaza lifasi, kunyaza Hollywood, kunyaza mitinelo ya zona kaufela, kunyaza tutengo too kaufela mi kuzwelapili cwalo, ni ze bizwa cwalo kaufela zeba nani ka libizo la bulapeli? La li nyaza kaufela. Kanti Linzwi likona cwani kuba mutu mba: kanti musali ya kutile milili, ya pentile sifateho, yatina tuputula?

¹⁷⁵ Mukutazi ukona cwani, azwele kwande kwa sikolo sa bulapeli, mi atalime fa Likezo 2:38 ni kubona kuli hakuna mutu mwa Bibebe yakile a kolobezwa ka malumbatina acwalo fateni, kono niteni azwelepili kubulela kuli u sa beilwe fa mezi amanca ka Linzwi la Mulimu? U mi bulelala buhata! U lekisize tukelo ya kupepwa kwa hae. U ezie boozwa kwa sika luli Tenyene sa bulela. U beilwe kwatuko, mwa telekano.

Mulimu ukaba ni Keleke yesina litiba, ona cwalo fela, abe Munyaliwa.

¹⁷⁶ Bibebe ili, “Linzwi haliyo ku mina.” Kona kuli ki bana ba mufuta mañi bo musweli kupepa? Ba likopano ze itwezi. Hakusikaba lifu la ku mi kauhanya ku mulati wa makalelo.

¹⁷⁷ “Ba ha Jones baka nahana sikamañi ha Ni ka lila ni kubulela ka malimi? Ba ka nahana sikamañi ha Ni ka kolobezwa?” Ha ki bukuba ni boo! Kana u nyezi ku ba ha Jones nji? Kamba, u nyezwi kwa keleke? Kamba, u nyezwi ku Kreste, yali Linzwi?

¹⁷⁸ Cwale, kona ha sa pepa bana ba hae. Ki bana ba mufuta mañi bakona kuba ni bona? Ki a mabizo abona amañwi oba ipiza kacenu: likaze, tumbombo, bipuku, ma Ricky, ma Ricketta. Likaze, tumbombo, bao ki ba siemba sa keleke. Luli. Kaufela bona ki bana ba hae baba shimaní, bana ba bashimani ba Kaine, ili bana ba sibatana se si butali, baba bunolo fela mo ba kona kubela.

¹⁷⁹ Cwale talima fa nako nyana, ka mubonelo wa hao wa moyo, fa moyo wa hao. Amatalime fela kwa ni kwa. Ni ambola kwa naaha kaufela cwale. Amatalime fela ka mizuzu yelikani, mina kwande koo kwa Branham Tabernacle, mina babali mwa litabernakele za kwa Likamba la Wiko, ni Arizona, ni kwa libaka kaufela ko muinzi. Mu italicime fa mizuzu nyana. Mu li, “Liñusa lo kutaza leo, Muzwale Branham, li fosahalile.” Mu italicime ili fa nako nyana. Mulumeleze kuli Moya o Kenile utatube minahano ya mina ka Linzwi, mu ka lumelelana ni Liñusa. Mulumeleze Kreste, Linzwi le li tozizwe, mutatube lizwalo la mina. Mu mu tuhele akene ku mina, mubone haiba Li lukile kamba nee. Mi yeo ki nto iliñwi kmaba zepeli ze Ni bulezi, kokuna i mianda anda ya bona.

¹⁸⁰ Kana Bibebe ya lumeleza musali kukuta milili ya hae? [Kopano ili, “Batili.”—Mu.] Kana Bibebe ya lumela, ya lumeleza

likolobezo, zetalu za libizo la “Ndate, Mwana, Moya o Kenile”? [“Batili.”] Hakuna nto yecwalo. Kana Bibele ya lumeleza musali kuapala liapalo za muuna? [“Batili.”] Kihande, munge fela zetalu zeo, kanti kuna ni mianda anda ni kufitelela. Mu li batisise mwa Liseli la Linzwi la Mulimu.

¹⁸¹ Mu li, “Ni wa siemba sa keleke.” Kona mwa ba bezi ni Kaine. Ni Eva ona cwalo. Bibebe ya bulela ili, mwa mazazi a maungulo, kuli Laodesia ikaba yeswana.

¹⁸² Mutuhele Moya o Kenile ualungute lizwalo la mina, mi mu ka lumelelana ni Daniele 5:12, mulena wa musali hataha fapila Belteshazare, mi ali na fumaní kuli nekuna ni mupolofita, Daniele, nali mwahala bona, mi nali mufezi wa kukakanya. Mu lumeleze Moya o Kenile, ki Yena Mupolofita wa lizazi lee, mu Mu lumeleze akene mwa pilu zamina ona fa mi atatube ka Linzwi la Mulimu, mi kukakanya za Liñusa ku ka fela kaufela. U felisa kukakanya kaufela. Mu lemuhe cwalo, za zamelela hande ni Linzwi la lizazi lee.

¹⁸³ Hamukoni ku kutaza liñusa la Luther kacenu. La kenelela ku Lona, kono ao ki mahutu. Uh-huh. Uh-huh. Hamukoni ku kutaza Wesley. Hamukoni ku kutaza Pentekota. Lu se lufitelezi kale foo. Neba ikongakongile mi ba shwa. Ki lutaka.

¹⁸⁴ Lutaka lutahile ni lushaba lwateni, boo kona buino bwapili bwa keleke. Cwale, zeo halibonahali sina bubeke bwa makalelo bo ne bukeni mwa mubu, ili buloto.

¹⁸⁵ Ze tahile la bubeli neli muuku wa mununo. Ni zona ne li sa bonahali sina bubeke. Neli kubata fela kuswana kwateni. Se litaha mwa siswaniso sa bubeke bwa luli. Kono matali abonahala mane inge bubeke bo ne bukeni mwa mubu. Ki sishimbelo sa bupilo bone buli mwa bubeke. Kono ne buezize sikamañi? Za ikongakonga, kuswana fela sina libupiwa zeñwi kaufela mo li tamahanelia ni zona. Za shwa.

¹⁸⁶ Kutatama sikamañi cwale? Bupilo bwa kena mwa sibunga. Sina ni tukoto—tukoto to tu nyendaela ku sona, kubonahala inge—inge bubeke nyana cwalo ku sona. Kubonahala mane inge buloto tenyene, kono ha ki bona.

¹⁸⁷ Mi za kena mwa sikapi. Kutuha foo sitisa sikamañi? Ki sikapi.

¹⁸⁸ Cwale, munge bubeke bwa buloto, buloto habukala kutaha. Mi Jesu naize, “Taku ya mabele . . .” Mi munga mabele ao mu a kwalule. Ni ku comola mwa lutaka. Mu italime taku yeo. Mu li, “Luna ni taku ya mabele.” Mu tokomele. Kuswana fela sina bubeke, kono mane haina neba mwateni. Ki sikapi.

¹⁸⁹ Kuna ni Mapentekota, “Babañata luli,” sina Mateu 24:24 haili, “baka puma ba Batilwe mwa mazazi a maungulo, haiba ki nto ye konahala.” Kono muyebule litali ni litali kwateni, hamuna

kuba ni bubeke mwateri. Bubeke bu kwa mulaho wa makapi. Mwbaona?

¹⁹⁰ Mi kipeto Bupilo buzwa mwa kopano yeo, bukena mwa bubeke. Cwale kuezahala sikamañi? Bubeke ha bukala kuhula, ni kuba butuba kuli Bu kwahele sibaka, kopano ika yebuha kwa Teni. Kiñi halusina kopano yezwile Mo? Habana kubateni. Ki bubeke. Habukoni kuzwelapili hape. Lu kwa nako ya maungulo. Cwale Buna ni kueza sikamañi cwale? Mube fa Pila kubateni kwa Mwana, kuli mu buzwe, kona cwalo, Linzwi kuli li buzweze mwa lipilu zamina, kuli litahe ni kupila ka ze lubulela. Eeni, sha.

¹⁹¹ Kipeto hamuna kuba ni ku kakanya hape, haiba mu lumeleza Moya o Kenile ku Li patulula ku mina, sina mulena wa musali haba bulezi ka za Daniele.

¹⁹² Mwakona kubulela kuli, “Ze kaufela lina ni sikamañi ku za buitumelo? U bulela sikamañi, Muzwale Branham? Ki se fa, seli mizuzu ye fiftini kuli ibe naini. Hakuna zo bulezi ka za buitumelo.” Ki Liñusa lelicwani mwa nako ye, ku na! Eeni, kiniti.

¹⁹³ Bashemi ba bazamayi neba itumela luli ka nzila yenca yene ba fumaní ya bupilo. Ka kukauhana ni likopano za kale za ma English ni lituto za litumelo, neba nyalwa kwa Linzwi leli tozizwe la lusika lwa bona; yeo ki niti, Linzwi lenca leli tozizwe la lusika lwabona, la lizazi la bona.

¹⁹⁴ Kacwalo lube baba itumela, sina bazamayi, sina Abrahama, lu kauhani kwa lika za lifasi, balikani ba mina kaufela. Abrahama nali muzamayi. Mulimu u lu kauhanyize kuzwa kwa bulapeli kaufela bobu shwile. Ni bulela kwa naha kaufela cwale, lituto za litumelo ze shwile kaufela. Kuya kwa simanañi? Ku lu kauhanya, ni ku lu kwalulela naha yenca, Liñusa lelinca la lizazi lee.

¹⁹⁵ Pentekota ne i omelezi mi ya shwa, sina Luther, Wesley, ni babañwi ba bona kaufela. Haisali nto isili kwanda kuba likeleke ze beilwe hamoho. Batu babande bateni mwani, kono, bana ni kuzwa mwateri.

¹⁹⁶ Ki sikamañi sa Na ezize? Akwalula Maswayo Asupa a Liñusa la mafelelezo. Mulemuhile cwalo? Maswayo Asupa, ao, makunutu kaufela a masika a likeleke zesupa na kwahezwi ka Maswayo Asupa. Baongaongi nebasina nako ya ku lieza mwa mazazi a bona. Ne ba si ka pila nako yetelele. Kono sinulo yende yefuyozwi ya Maswayo Asupa yee, ikwaluhezi luna mwa mazazi a maungulo aa, kuzwa kwa sipolofita se si kalezi kwa Arizona.

¹⁹⁷ Mo ne Ni buzelize Mulimu, “Kiñi So eza nina mwa lihalaupa lee?”

¹⁹⁸ Kana mwa ziba kuli Mushe ki yena yana ñozi Testamente ye Nca... kamba Testamente ya Kale? Ki yena luli. Libuka zene za makalelo lifa milao ni lika kaufela: Genese, Exoda, Lilitike,

ni Deuteronomia. Na ñozi Testamente ya Kale. Ka kueza cwalo, nana ni kusiya balikani ba hae ni balatiwa ba hae, ni kuya mwa lihaupa.

¹⁹⁹ Paulusi na ñozi Testamente ye Nca. Yeo ki niti. Na ñozi Maroma, ni Maroma ni zeñwi za Yona kaufela mwani, Maheberu ni Tomotea, ni zeñwi cwalo. Mi ka kueza cwalo, nana ni kukauhana ni za hae, ni kuya mwa Arabia, kukena mwa lihalaupa, ka myaha yemilalu, ku yo amuhela sinulo ya Mulimu.

²⁰⁰ “Oh,” mu li, “kucwani he ka Mateu, Mareka, Luka, ni Joani?” Neli bañoli fela bene ba ñozi za na bulela Jesu.

²⁰¹ Paulusi a i kambusa ni kubeya Linzwi hamoho. Yeo ki niti. Kihande, he, amutalime, haiba ne si lwala zeo, mi nana ni kuya mwa lihalaupa, kwahule ni balatiwa ba hae . . .

²⁰² Muhupule kuli, *Seli Nako Mañi, Sha?* Ki ba bakai baba iutwile fateni? Muli, “Amen.” [Kopano ili, “Amen.”—Mu.] Kana neli ye lukile hande? [“Amen.”] Kona kuli luna ni sinulo kanti mwa mazazi a maungulo aa, ya Liñusa la Mulena Mulimu la kukopanya Munyaliwa wa Hae hamoho. Hakuna lusika lusili hape lo lu sepi sizwe. Li sepi selizwe lusika loo: Malaki 4, Luka 17:30, Muhalalehi Joani 14:12, Joele 2:38. Lisepiso zeo ki ze zamaela hande sina Joani Mukolobezi mwa na itibahalelize ili yena mwa Mañolo.

²⁰³ Jesu na itibahalize Iliyena. Kiñi ze ne ba bulela? “Muisse kafoo mutu yoo!” “Joani ki muuna wa naheñi.” Keleke ne i si ka itukisa ku li amuhela. Woo kona mukwa. Mane neba kacenu keleke haina ku li amuhela.

²⁰⁴ Kono, kwa Muketwa, Mulimu ubiza Baketwa. Ba ziba cwalo: kakubiza Munyaliwa yasina litiba, yena Linzwi, Keleke ya lizazi la mafelelezo, Kalibe ya ketilwe wa Mulena luna Jesu Kreste, Linzwi. Haiba . . . Jesu ki Linzwi. Ki babakai baba lumela cwalo? [Kopano ili, “Amen.”—Mu.] Ku lukile. Konakuli, Munyaliwa kamita ki siemba sa Munyali, kona kuli Munyaliwa hana kuba kopano. Una ni kuba Linzwi, le li bonahalile, kuli abe Munyaliwa wa Kreste. Na sepi size ku lieza. A bulela mwa Na li ezelize. Ha i tuisangti . . . ha luzangi muzamao wa Hae. Yena kamita u liezize ka mikwa yateni. U li ezize, nako kaufela, ka mufuta wateni. Wa lieza hape, ubiza Munyaliwa wa Hae yasina litiba mwa lizazi la maungulo, Rebekah ya latwa ya libelezi Isaka. Ha ki nako kwa bunde ni yeo!

²⁰⁵ Ki ze litaha mwa ponahazo, libuka zepeli ze kaba za kunutu ku mina ha mu bala ki buka ya *Masika A Likeleke Zesupa*. Libuka zepeli: Buka ya Bupilo, ili, yo uli mwakona kuñola libizo la mina ku yona, hamuna kutakulwa mwateni; yomuñwi uli munge mu zwise libizo la hae mwa Buka ya Bupilo. Se sitaha hande mwa ponahazo, yeli ona faa. Ni ka tuhela fa mizuzu yelikani, mwendi, falitaba zelikani faa, ni kuswala taba ye lu si ka kwala kale.

²⁰⁶ Bupilo ki nto yabutokwa hahulu, ku Mulimu, mi bu ñozwi mwa buka. Mulimu ki Mukalisi wa bupilo. Kana mwa lumela cwalo? [Kopano ili, “Amen.”—Mu.]

²⁰⁷ Bupilo bwa luna bwa nama fa, bo luani, ki kulyangana fela. Luli bu lukela kuba bupilo bo bu lukile, ka kukala, kono bu lyanganisizwe ka kupepwa kwa nama. Bupilo bwa pili, kamba tamahano yamina yapili, ne mu tamahanyizwe ka kupepwa, ka nama, ki kezo ya nama. Mutu wa nama fela, musali ni muuna hamoho, ba tamahani ka tamahano ya foso, zene tisize bupilo bwa mina bwapili fa, mi zeo liswalisana ni sibi ni lifu. Mukona kumbwinja cwani peu ya noha?

²⁰⁸ Ha muona musali, ki sibyana se si zwile ku ze bupilwe; hakuna za sisali zeswana ni yena; zebupilwe mwa buino boo, kakuziba kuli na ka pumiwa. Mulimu na zibile. Haiba Na sa zibi mafelelezo kuzwa kwa makalelo, konakuli Na si Mulimu. Haiba Ha ki yasafeli, haiba Ha ki yacwalo, haiba... Hakoni kuba yasafeli kusina kuba yasazibi kaufela, yafumahena kai ni kai, ya ziba lika kamukana, Kuyakuile. Kacwalo Na ziba lika kamukana, mi Nana ni kubupa musali yani.

²⁰⁹ Muuna nasina mufumahali. Mufumahali ni muuna hae neli nto yeswana. Nana ni moyo wa busali ni wa buuna ku yena.

²¹⁰ Nana ni ku kauhanya, kunga kuze bupilwe, kasamulaho wa kubupa pupo kaufela. Hakuna za musali ze bupilwe ki Mulimu, mwa pupo ya makalelo, zekona kueza ze cwalo. Na bupilwe ona cwalo, kuli aeze cwalo. Na ziba kuli uka li eza. Haiba Na sa zibi, konakuli Ne si Mulimu.

²¹¹ Kono, mwabona, milelo yeli ku Mulimu neina ni ku bonahazwa. Na—Na lukela kuba Mupulusi. Mi ka kupetahaza lika kaufela, ka nzila ya Na batela, konakuli hakuna ze ne ka lateha. Oh, musike mwaba banana. Mube baana ni basali. Lu kwa mafelelezo a nzila. Mulemuhe.

²¹² Cwale, ne li pupo, ye tamahani ni lifu. Muuna hao wa pili, yana ku busa, neli sibupeho sa hao ka kupepwa kwa nama. Za nama, mulata lifasi kakuli mu lifasi, ni siemba sa lifasi. Kana ku cwalo? [Kopano ili, “Amen.”—Mu.] Litakazo za hao neli, za nama, za kulata lifasi leo uli siemba sateni. Mu siemba sa ze bupilwe. Mwa lumela cwalo? [“Amen.”] Mi zeo ki za mina za nama.

²¹³ Kona hamuna ni kupepwa sinca. Muna ni ku kauhana; muna ni kushwa ku muuna mina wapili yani. Hamukoni kupila ni zeo. Hamukoni fela kubulela kuli, “Kihande, Ni ka mu hana, ni ku mu paheka fa konji ka nako yeñwi.” Batili, shar. Hakuna liñolo la telekano! Wa shwa. Sibupeho sa lifasi sina ni kushwa. Towati yeñwi kaufela ina ni kushwa. Muna ni ku tamahana sinca, hape, ni Sibupeho sesiñwi.

²¹⁴ Libizo la hao la sibupeho sa pili, ne li pepilwe, ni kubeiwa mwa buka ya bupilo. Ni misebezi ya hao kaufela ya ñolwa

mwateni, ni yona. Kaufela zo no ezize mwatasa sibupeho sani za beiwa mwa buka, yebizwa buka ya bupilo.

²¹⁵ Mu lemuhe, ku Daniele, ha taha ku “yomuhulu ya atezwi ki Mazazi Wa milili yeneli busweu twaa sina litwa. Kwataha babatensi sausandi ni teni sauзane ku Yena, ku to Mu sebeleza; ki—ki Munyaliwa. Mi ki ha ku apulwa ni libuka.” “Mi Buka yeñwi ya apulwa, ili Buka ya Bupilo.” Mwabona? Kuna ni ba bakenile mwateni, ki Keleke, ki Munyaliwa. “Buka yeñwi ya apulwa, yeneli Buka ya Bupilo.”

²¹⁶ Cwale, mina, kono ha mu se mu kauhani kwa tamahano yani, ka lifu la moyo: Takazo ya mina ya nama ki kukuta milili ya mina. Takazo ya mina ya nama ki kutina tuputula, kuipenta kwa sifateho. Takazo ya mina ya nama kuba wa butu fela, mutu ya talifile, yaziba zeñata kufita mutu yomuñwi. Kona zana bata Eva. Kona lika luli za na bata.

²¹⁷ “Kihande, muli! Wena mukutazi yomukuswan, yomukima ni sitenda, u yemi fo inge u ni bulelela zeo? Nina ni Ph.D., LL.” Zeo li kubeya fela kwahule ni Mulimu, nako kaufela ha u ekeza sika kwateni. Mwabona? Mwabona? Yeo ki niti. Ki niti. Mwabona?

²¹⁸ Kona za nangile Eva. A beiwa fa mezi amanca ka mulwalo o cwalo. Kona seili sona keleke kacenu, ka likolo za Bibele ni za baituti ba nama fela. Mi, amatalime, mañi ni mañi u kananisa yomuñwi, ki ziyezi yetuna kuya fela ka ze ibulezi Bibele kuli, “Babilona.”

²¹⁹ Munyaliwa wa ziba Fa yemi. Ki basikai fela. Hakuna kuba babañata ba ba ka piliswa; ki basikai kai, kai, fela. Mu li, “Kihande, fani, ibulezi kuli, ‘likitikiti.’” Eeni. Kono bazwile mwahala lilimo ze likiti zepeli, nibona, kutaha mwahala masika kaufela mo Ba zwelezi. Kaufela . . .

²²⁰ Lusika lwa Luther ni sikuwata sani; mi ba shwelela, kihse baya, kuyo ikopanya; kwa taha Wesley; mi kwa taha mapentekota, ni babañwi cwalo. Ni mitai yenyinyani kaufela ya ba Baptist, Presbyterian, Methodist, Nazarene, Pilgrim Holiness, ni babañwi cwalo, mwabona, kaufela baba zwile mwani sina litali.

²²¹ Kono, mu muhupule, nako ye li calwa, ni mabeel akala kubuzwa, zeo mu ka lifumana kuli, mabele ani asika abuzwa kale, lika kaufela mwa lutaka lwani lina ni kushwa. Haleluya! Kana hamuboni fo luyemi? Bupilo bu mwa bubeke hape. Ki sikamañi seo? kuswana fela sina bubeke bone buile mwa mubu, yena Jesu yaswana mwa mufuta wa Munyaliwa, mata a swana, Keleke yeswana, nto yeswana, Linzwi leliswana. Linzwi leliswana kona le li zamaile mwateni kaufela mane kufita ni faa, ni kutaha fa toho faa. Ni Bupilo kaufela bo butahile mo, bu ngile sicaba sabona. Cwale butaha kwa toho, kwa Kuungelwa. Ni ka mbola fa taba yeo kamuso busihu, kamba kamuso muñwi busihu, bobuñwi, Mulena halata.

²²² Kihande, mu kauhani kwa tamahano yamina ka pili, ka lifu la moya. Cwale mu pepilwe sinca, kamba kunyalwa hape, kwa tamahano yenca ya moya; isiñi cwale ka bupilo bwa mina bwa nama ka lika za lifasi, kono ka Bupilo Bobusafeli. Kokwani ya bupilo yeneli ku mina yani kwa simuluhoh, ya mi fumana.

²²³ Cwale, buka ya mina ya kale ifelile, ni tamahano ya mina ya kale. Cwale, libizo la hao la kale, ku za hao... li cincizwe. Cwale, mu li, “Kikuli u ni bulelela kuli buka yaka ya kale...” Mulimu u i beile mwa Nuka ya Hae ya Kulibala. Muyemi fela ka kupetahala fapila Mulimu.

²²⁴ Cwale, libizo la hae cwale li mwa Buka yenca; isiñi buka ya bupilo, kono ki Buka ya Ngunyana ya Bupilo, se ne iliuluzi Ngunyana. Isiñi buka ya hao ya kale ya tamahano ya nama, kono yenca, Munyaliwa. Haleluya! Bupilo bwa hao bobunca bu mwa Buka ya Bupilo ya Ngunyana, setifiketi ya hao ya linyalo, haleluya, kokuna ni kokwani yaniti ya Kuyakuile ya hao kwa simuluhoh, isweli hande. Cwale ha mu si ka swalelwah fela, kono mane mu beilwe baba lukile. Kanya! “Kubeiwa babalukile,” Maroma 5:1 ibulezi. Eehe. Maroma 5:1 ili, “Cwale ha lubeilwe ba balukile ka tumelo.”

²²⁵ Mutualimisise linzwi leo. Linzwi lateni ha li talusi “kuswalelwa.” Linzwi leo litalusa “kubeiwa babalukile.” Ha li talusi ku swalelwa.

²²⁶ Ka mutala, mu utwile kuli Ne ni kozwi ni—ni kueza litaba zemaswe, ni lika kaufela. Mi mwa taha fa kaufi, mu to ni bulelela. Mi mutofumana kuli ha Ni si ka eza cwalo, kipeto mwataha, muli, “Muzwale Branham, Na ku swalela.” Ku ni swalela? Ha ni si ka lieza, ka kukala. Mwabona?

²²⁷ Cwale, haiba Ni ezize cwalo, Nina ni mulatu. Kono no ka ni swalela, mi ne Ni sike naba ni mulatu. Kon niteñi ha Ni si ka beiwa ya lukile, kakuli ka niti Ni liezize.

²²⁸ Kono linzwi leo, kubeiwa ya *lukile*, kuswana inge wa li kuba u eze sika fateni. Amen. Mane ha sibalelwah ku wena ni hanyinyani. Si ezwa cwani? Mwa Buka ya Mulimu ya Nuka ya Kulibala, buka ya hao ha kale ni linyalo li felisizwe ni kushwa, mi mane haliyomwa kupozo ya Mulimu. Amen. U beilwe ya lukile. “Cwale ha lu beilwe ba baluikile.” Neli kutamwa litaba. No tamilwe litaba. Wa li kuba u fose, ka kukala. Tamahano ya kale seili mwa Nuka ya kale ya Mulimu ya Kulibala. No si ka nyalwa ku zona, ka kukala. Muuna, Munyali, ungile maswabi a hao, yena Kasibili, za hao, mwa sibaka sa hao. Na ngile sibaka sa hao, kakuli no lukiselizwe Yena, kuli ube ku Munyaliwa wa Hae, kusikaba kale mutomo wa lifasi. Bibebe ibulezi cwalo. U Peu ye lelilwe kale.

²²⁹ U tile cwani ku se? No pumilwe kukena mwatensi ka linyalo la hao la makalelo, ku mushemi wa hao litanya, Eva. Ha ki mulatu wa hao. Ka kupepwa kwa hao kwa nama, utahile kuswana ni

Eva, ya na ezize boozwa. Kona ha no pepilwe uli soozwa. U muezalibi, ka kukala. Yeo ki niti. No pumilwe ku zona. Nosina sika... Hakuna, ha ki mulatu wa hao.

²³⁰ Wali kuba u li eze. Kakuli, kokwani yenyinyani yani neili ku wena, neina ni kuba ku wena, kusikaba kale mutomo wa lifasi. Mulimu na beile libizo la hao mwa Buka ya Bupilo ya Ngunyana.

²³¹ Inge likande laka la mbande yenyinyani, kaufela mina mu li utwile kale fateni. Seke... Mulimi yomuñwi akile abeya—abeya, seke nako yeñwi. Konakuli nasina liseke zeñata mwa patelo... mai akubeya kuli ibubame. Kacwalo afumana lii la mbande, mi alibeya fo ne ibubamela. Mi mbande ha i yo ndondola, neli kazwinyani kaka bonahala kusehisa luli tukuhu twani ko tukile twabon fateni, mbande yani hane izamaya cwalo. Mi nasikuku ha na sweli kubiza, “Cluck, cluck, cluck, cluck.”

²³² Mbande ya mwana yali, “Ha ni zibi kuli zelila zeo litalusa ñi, kono Na mu latelela, nihakuli cwalo.”

²³³ Mi za zwela fande mwa patelo ni kukala kufata fa libunda la manyuwa. Mi nasikuku, “Cluck, cluck, cluck. Ze ki zende. Ze ki zende. Kena ku zaluba. Mi se kona sesi...”

²³⁴ Mbande ya mwana yani, ne i sa koni kuca lico zani. Mwabona? Neli fela—ne i zamaya fela hamoho ni likuhu kakuli ne i sa zibi. Ne i sa zibi za kueza. Mi cwale nasikuku azwela fande, mi uyotisa se ni kamba *sani*. Mi mbande ya mwana fela... neina ni kuikataza kulibeya mwa mba, kono ya—ya tokwa kuziba mwa ku li ezeza. Kono ne i bona likuhu kaufela halieza cwalo, kono kuna ni se si shutana. Ne i sa lati cwalo.

²³⁵ Kacwalo, zazi leliñwi, mahe aziba kuli na hupula mai amabeli. Kacwalo yakala kubata bata leliñwi lani, kufufa fufa, kubata, inge Moya o Kenile omutuna. Zazi leliñwi ya fufa fahalimwa litema la patelo, fa kopano yani. Yatalimafafasi fani, mi yabona mbututu wayona. Ki hha ihuwa. Neli Linzwi la nto yeñwi lene li utwahalile mwahala kona. [Hakuna manzwi fa tepu—Mu.] Oh, Sani siutwahala hande! Oh! towati ya bupilo ya niti yepupilwe sincia, ye lelilwe ki Mulimu, i utwe Linzwi la Mulimu, Iba munembo ku yona. U ziba kuli Ki Niti.

²³⁶ U katezi lico za kopano zani, nihakuli cwalo, “Kena ku luna. Taha, zamaya ni luna. Luna ni mukiti wa silundwamanji. Luna ni se. Lu na ni...” Ne li si ka utwahala fela hande, ku mulikani wa mwanana yani.

²³⁷ Ki hali, “Mwana ke, ha u wa sikuwata seo, nihakuli cwalo. Wena ukwa neku la ka. U wa ka.”

²³⁸ Ki hali, “Ima, zeo liutwahala hande. Cwale Ni ka kona cwani kuzwa?”

²³⁹ “Tula fela kihona. Ni ka ku swala.” Uh-huh. Kona fela zona ni kueza.

²⁴⁰ Linzwi le li tozizwe la Mulimu linze li pakiwa fapila mutu kaufela ya pepilwe kuli abe mwana Mulimu, yanani peu ye lelilwe ku yena ya hola yee, uka bona Liñusa la Mulimu haibile fela kuna ni Mulimu mwa Lihalimu. Martin Luther a Li bona ku za hae. Wesley ha Li bona ku za hae. Mapentekota ba Libona ku za hae. Cwale kucwani he ka mina? Uh-huh. Ba kena mwa kopano. Ki le Linzwi la nyaza lika kaufela; ku mi bulelela mo lu lukela kubela kacenu, ni kaswanelo fela sina Malaki 4 ni lisepiso zeñwi ze kaufela za hola yateni. Mubona sikamañi? Mutualime sikamañi? Amen. Ki luna ba faa. Limbande za niti, ze sephahala li ka utwa. “Lingu za Ka liziba linzwi la Ka. Usili hanina ku mu latelela.”

²⁴¹ Kiñi? Ne li beilwe mwani ka kulemuhiwa kwa pili. Ne mu lukiselizwe kale kuba mwana wa mushimani wa Mulimu. Nemuli ku Mulimu kusikaba kale mutomo wa lifasi. Mu bonahalela fela fa ka lizazi le kwa likute la Hae ni kanya. Mukona kueza cwani kusina ku kuteka Linzwi la Hae, ni kuyema ka Linzwi kaufela la Mulimu? Eeni, sha. Mane, mu siemba sa Linzwi, ka kulemuhiwa. Kakuli, mutualime, Mulimu ki yena Linzwi. Mwa lumela cwalo? [Kopano ili, “Amen.”—Mu.] Kihande, he, haiba . . . Yena kamita ubile Linzwi. “Kwa simuluho nekuna ni Linzwi.” Mi haiba Linzwi neli Mulimu, konakuli nemuli ku Mulimu. Linzwi, siemba semuna ni kueza foo, nesili ku Mulimu kusikaba kale mutomo wa lifasi. Ha ku boni. Na ku ziba. Na ku lukiselize kutaha ku zona.

²⁴² Na mi bulelela, inge fela mbande mo ne i lemuhezi linzwi lani, kona kuinezi ni—ni ku Mukreste wa niti, ya pepilwe sincia uka lemuha Muhuwo la Mulimu le libulela ka Linzwi, ha ba Li bona li tozizwe ni kupakiwa. Mutualime. A talima mwahalimu *Mwani*. Na si ka bona nasikuku wa hae wa kale halila ni kufata mwa sibaka *faa*, “I kopanye ku luna ni kutaha *kwanu*,” mi, “zamaya ku *se*,” mi, “zamaya ku *se* ni ku *sani*.” A bona inge—inge kuli nabata kuba, mwa mbyumbyulu mwahalimu, inza huwa, alukuluhile, mwahalimu luli mwa mbyumbyulu, fahalimwa manoñu kaufela ni lika za lifasi. Haleluya! Nabata kuba cwalo kakuli nelili ku yena kuli abe cwalo.

²⁴³ Mi mutu ya pepilwe ki Mulimnu, mwana Mulimu, una ni kuba ni sibupeho sa Mulimu. Una ni kuba sina Mulimu. U kuteka Mulimu. Ki siemba sa Linzwi la Mulimu. Mi mwa mazazi a maungulo aa, a Munyaliwa ya bupiwa yoo, ka mata aswana fela Anana ni ona kwa simuluho, utahile mwahala likopano zee, ni zeñwi cwalo, ni kutaha kuba Munyaliwa. Hakuna sakona kuba sona kwanda seo.

²⁴⁴ Ne ba lukela ku Li bona, Majuda bani mwa mazazi abona, ha ba Li bona liezahala kwani fapila bona, sina mupolofita ha na bulezi kuli Ukaba cwalo. Na ize, “Mubalisisa Mañolo; kakuli ku Ona musepile kufumana Bupilo Bobusafeli. Bo ki Ona a paka za Ka. Ha Ni sa ezi misebezi Ya Ndate, musike mwa Ni lumela.

Kono ni ha mu sa Ni lumeli, mueze kuli . . . mulumele misebezi ye Ni ezize."

²⁴⁵ Se bali, "Bokuku aluna ba cile manna mwa lihalaupa ka myaha ye mashumi amane. Lwa ziba fo luinzi."

²⁴⁶ Ki hali, "Kanti kaufela bona ba shwile," foo kikuli, kauhano ya Kuyakuile. Mañi ni mañi u shwile. Nekuna ni fela babalalu, bababeli ba zwa mwahala ba milioni, ma milioni amabeli. Bao ki alimuñwi mwa milioni.

²⁴⁷ Kiñi, ki ndonga, mata a buuna azwa ku muuna ni musali, kubanga lii li liliñwi kamita le lifiwanga mununo. Kuna ni lii li liliñwi, lii li liliñwi leli fiwanga mununo, hamubona kupepana kokuinzi mwa likomu. Mulemuhe. *Fa* kuna ni mai a—a milioni; *fa* kuna ni likokwani ze milioni; mi ha—ha kuleha, kutaha hamoho mwa mba ya musali, kutaha mwa mupila ni kukena mwa mba ya musali, za kopana. Leliñwi la ona ki mai. Mai a eza milioni; likokwani ze eza milioni. Kuna ni fela lii li liliñwi mwateni le li ka nuniswa. Kuna ni fela kokwani iliñwi ye ka nuniswa. Kaufela ona a pila. Mwakona kubona tunamani twani hatunze ku natana kwa ni kwa mwahali mwani, tumezi tomukona kubeya fela fa kakota ka menkisi.

²⁴⁸ Mi Demos ni babañwi basweli ba teezeza busihu boo, mi wa hupula ha ne lu liezize zeo. A ni isa kwani, a ni bonisa mo ne li belekela zani. Mipila ya kutatubela, ni kunga fela totu likani tone mukanga ka kakota ka menkisi. Neli likitikiti za tunamani ni lipoho mwani, kono i iliñwi fela ya zona yekona kupila. Iliñwi fela yazona kihona! Kono fa kuna ni sikoto sesituna sa zona, *fa*. Mi mu ka lemuha, iliñwi ika ikaba ku amañwi ainzi *fa*, ni kuya kwani, kokwani itaha *fa*; mi ni lii li ka zwa mwahala mai amañwi ainzi *fa*, mi li to kopana hamoho. Mi asiyези kaufela a shwa. Ibo, apila, kono a shwa.

²⁴⁹ Kakuli, kuna ni Nto yeñwi, Yomuñwi ufile iliñwi *ye* mununo, ni kuketa *ye*, niyona. Ki kulemuhelwa cimo, muzwale waka. Luli. Mulimu una ni kutoma kuketa kuli abe mushimani kamba musizana, wa milili yefubelu, milili yensu, kamba ibe sikamañi kaufela. Li zibwa ki Mulimu. Ki kunutu yefita kuitwala kwa mwalanjo, ku na. Kono, mulemuhe, zesiyezi kaufela za shwa.

²⁵⁰ Nekuna ni batu baba tuu milioni, bene ba opela, kuhuwa, ni kueza lika kaufela. Ba bulela mwa . . . ne ba si ka bulela kale mwa malimi. Kono nebaahuwa, ni—ni kufa Mulimu kanya, ni kubina kutulaka fahalimu nifafasi kwa nuka, ni kueza lika kaufela ze ne ba ezzie babañwi kaufela, kono nekuna ni bababeli fela bene baile mwa na ha ya sepiro. Kalebu nailo kena, Kalebu ni Joshua, bababeli feelsa. Bao ki alimuñwi ku ba milioni. Ki alimuñwi ku ba milioni mwa kupepana kwa nama. Mañi ni mañi wa bona nabile ni mbuyoti.

Oh, mina Mapentekota, Ni sepa hamuna kuliyeza kuzuha.

²⁵¹ Alimuñwi kubaba milioni. Amutalime. Ku lukela kuba ba faifi handeleti milioni baba bizwa Bakreste mwa lifasi kacenu. Jesu ha na ka taha, nekubana fela ba faifi handeleti bene ba kaya ni Yena, kihona, haiba libaplo zeo nelika ba ze lukile. Kiñi, kuna ni babañata kufitelela foo baba lateha ka zazi, mwa lifasi loote. Hakuna ze ba ziba ka zona.

²⁵² “‘Na utwisia,’ kwa bulela bañoli, ‘u ziba kuli . . .’ Kiñi kanti bañoli ha ba bulela kuli–kuli, ‘Elia una ni kutaha pili?’” ba bulela zeo ku Jesu.

²⁵³ Ki hali, “Elia u tile kale kono ha mu si ka ziba.” Mwabona? A eza fela kaswanelo ona sa Na bulezi Mañolo kuli si ka ezahala ku Yena. Mwabona? “Ni Mwana mutu ki mwa ka nyandela. Mwatas...” Ne ba si ka Mu lemuha. Ibo, kaufela bona nebali mwa keleke. Kaufela baipapata kuli bapila.

²⁵⁴ Mi mu tuhele fela Mukreste waniti, ya pepilwe sinca, mutanga Mulimu wa luli, autwe Linzwi la Mulimu leo, uka taha inza shela shela mwa kopano ifi kaufela, kutaha kwa sibaka sesina ni mununo sani, ka Linzwi, sibaka mwa kuhulela. Uka eza fela ona cwalo. Ha ni zibi mwa ka liezeza. Mulimu u lukisize kuli liezwe.

²⁵⁵ Ne mu pumilwe kwa simuluho, ka linyalo la mina la pili. Cwale mwa ziba sesili niti. Kuswa fela inge ha Ni ize, mbande ya mwana ha i utwa Linzwi la Munyali, ya ya Kwateni, leli tozizwe, Linzwi la Mulimu le li pakilwe la lizazi la maungulo.

²⁵⁶ Nuwe nali Linzwi le li pakilwe la lizazi la hae. Kana mwa lumela cwalo? [Kopano ili, “Amen.”—Mu.] Kihande, liñusa la hae halikoni kubeleka kacenu.

²⁵⁷ Mushe nali Linzwi le li pakilwe la lizazi la Hae. Kana mwa lumela cwalo? [Kopano ili, “Amen.”—Mu.] Halina kubelela nako ya cwale. Jesu nali . . .

²⁵⁸ Joani nali Linzwi le li pakilwe. Mwa lumela cwalo? [Kopano ili, “Amen.”—Mu.] Ne li sike la beleka mwa mazazi a Jesu. Batili kutokwa. Batili, sha. “Mulao ni bapolofita nebaliteni kuto fita ku Joani; kuzwa foo, ku kutazwa za Mubuso wa Lihalimu.”

²⁵⁹ Baapositola, babali mwa Bibele. Kwa taha Luther mwatereni, ku za Kuongaonga, manzwi a hae, za, keleke ya hae, halikoni kubeleka ka lizazi lee. La Wesley halina kubeleka. Za Mapentekota halina kubeleka. Ne li belekile mwa lizazi la bona.

²⁶⁰ Kono seli lizazi lisili. Kwa ki ku kwaluha kwa Maswayo Asupa. Ni ziba kuli Li utwahala bunca ku mina, kono Mulimu u li pakile ka swanelo yende. Hakuna pu—pu puzo ku zona. Ki kupetahala fela! Ha ni kashezi zeo kwa kopano yeliteni moo. Ni ambola kwa sicaba sesili kwande mwa naha. Mwabona? Mueze ze mubata kueza.

²⁶¹ Cwale mulemuhe Linzwi le litozizwe la lizazi le, leo muli siemba sa lona, ka kulemuhiwa. Ona foo kapili, sina, mo mu

zibezi. Ha ne mu utwa Cwalo, mwa ziba kapili kuli nemuli mbande. Hape mu ka lemuha kuli nemusi kuhu ya kopano, ka kukala. Mwa ziba kuli nekuna ni se si fosahalile mwateni. Kuna ni se si fosahalile, yeo ki niti, kakuli muziba kuli ne mu swasehile ku zona, kwa makalelo.

²⁶² Yena, Munyali, ungile maswabi a mina, “Ni ku a beya mwa Nuka ya Kuliba, ka kutapiswa kwa Mezi a Linzwi ni Mali a Bupilo.” Kona se i bulela Bibebe. Muuna hao wa makalelo yo no nyewi ku yena, kwa lifasi... Munyali ya tozizwe, ya na ku lelile kale, ya ku tapisize ka kutapa kwa Mezi. Ka “keleke nji”? [Kopano ili, “Batili.”—Mu.] Zeo ha li utwahali hande, nji kizende? [“Batili.”] Mwakona kufumana zeo mwa buka ya almanac, kono isi mwa Bibebe ya Mulimu. “Ka kutapiswa kwa Mezi a Linzwi.” Mwa Linzwi! Mwabona? Ka . . .

²⁶³ Mu yemi hande ka kuluka, inge mwa li kuba mueze zeo kwa makalelo. Le kona Liñusa la ka kwa Keleke cwale. Hamunze mu . . . halu ka zwa fa moyo, fa muzuzu fela. U yemi, haiba u yemi fa Linzwi la Mulimu mi ni ka Linzwi la Mulimu, amen kaufela, taku kaufela, mukanga kaufela. U yemi kai? Ni lika ku mi bulelela, amuzwe mwa makapi. Mi mutahe kukena mwa buloto, mo mukona kubuzwa fapila Mwana. Ni utwa kutaha kwa mukutuli. Uyemi ka kupetahala, ka kuluka, inge wa li kuba u li eze fateni ka nako yapili. Haleluya!

²⁶⁴ Mubulele za buitumelo! Ni ikutwa bunde bunde. Ni itumela hahulu ka zeo kufita sika kaufela se Ni ziba.

²⁶⁵ Wena u petahalile, ya lukile, ili Munyaliwa wa Mwana Mulimu ya pila. Muuna ni musali ufi kaufela ya pepilwe ka Moya wa Mulimu, ni kutapiswa mwa Mali a Jesu Kreste, ni ya lumela Linzwi la Mulimu kaufela, uyema inge wa li kuba ueze fateni sibi kuzwa kwa makalo. U petahalile. Mali a Jesu Kreste! Ukonakueza cwani . . . Haiba muuna . . .

²⁶⁶ Haiba Ne ni lukela kushwa kakusasana, mutu yomuñwi ungile sibaka saka, Hanikoni kushwela sibi seo. Kuna ni ya ngile sibaka saka.

²⁶⁷ Mi Jesu, ki Linzwi lene lingile sibaka sa ka. Natilo ba na, kuli muezalibi, kuli Ni be Yena, yeli Linzwi. Amen. Mutuhele ni kumalele ka niti ku Lona, iksiñi kwa keleke. Kwa Linzwi! Amen.

²⁶⁸ Oh, tamahano ya moyo yani ya Kreste ni Keleke ya Hae cwale, ki foo nama haiba Linzwi, mi Linzwi liba nama, kubonahala, kupakiwa. Ona se ibulezi fela Bibebe kuli si ka ezahala mwa lizazi le, sisweli sa ezahala, zazi ni zazi. Kiñi, lisweli kuezahala hahulu kapili kwande koo, mwa mahalaupa ani, ni lika zesweli kuezahala, zene Ni palelwa kuba ni zona mane. Lu fa kaufi ni Kutaha kwa Jesu, kuli lu tamahane ni Keleke ya Hae, koo Linzwi li ba Linzwi. Pizo ya Moya o Kenile ye tatuba lipil!

²⁶⁹ U yemi hande ka swanelo. Wa li kuba ueze sibi kuzwa kwa makalo. Mulimu mane ha zibi cwalo. Si mwa Nuka ya Kulibala. Wa li kuba u si eze fateni. No tamelelizwe fela, ki mutamelezi. Kono luli, kuzwa kwa simuluho, no lelilwe kuba mwana mushimani ni wa musizana wa Mulimu. U yemi ona foo, utapisizwe. Mi buka ya hao ya kale telekano i kashelizwe kwahule, mi ishwile, mane haisali yo, neba mwa munahano wa Mulimu.

²⁷⁰ So li Munyaliwa ya lukile wa Kreste, ya tapile mwa Mali a Kreste. Yomunde, yasina litiba, yasina sibi Mwana Mulimu ya yemi ni bupetehi, Munyaliwa wa Linzwi yasina nyazo yoo a itapiselize ili Yena ka Mezi a Mali a Hae Tota; yatahile mwa nama ni kubonahala, kuli Akone ku kunga wena yana lelilwe pili kuba mwa sifuba sa Ndate, kusikaba makalelo, yaswana sina Yena mwana bezi. Na li yena mulelo omutuna wa Mulimu wani, yabizwa “lilato.”

²⁷¹ Kaufela semuli sona, mu batanga ba Mulimu, kaufela Mulimu sa bata kuli mueze, sibaka sa mina ko si fumaneha. “Mulimu ubeile mwa Keleke, babañwi kuba baapositola, bapolofita, baluti, balisana . . .” U beile zeo ka mata a kuketa kwa Hae Tota. Mi nemuli cwalo, ka kukala.

²⁷² Sinawenga sa hao sa makalelo ne si felisizwe. Ne si felisizwe. Wa likuba u eze cwalo, ka kukala. Kakuli, kuna fela nto iliñwi yekona kueza zeo, yeo ikona kuba fela Mulimu kutaha fafasi, yena Kasibili, mi ange sibaka sa hao mwa mufuta wa Mwana wa Mulimu, Jesu Kreste, ni ku kutapisa ka Mezi, a kutapa kwa Mezi a Linzwi. Linzwi; isiñi kopano! Linzwi li ku tapisize. Kona ha u sa yemi mwa Mezi a Linzwi, u ka tapiswa cwani? U sa na ni litiba sina Eva mwa na inezi.

Oh, mulatiwa Ngunyana ye shwile, Mali a Hao
ki amande
Haana kufela mata a Ona,
Kufitela Keleke ya Mulimu ye liuluzwi
I pilisiwe kusina kueza sibi hape.

²⁷³ Sibi ki sikamañi? *Sibi* ki “kusalumela.” Kusalumela mwa (sikamañi?) mwa Linzwi; kusalumela ku Mulimu, yeli yena Linzwi.

²⁷⁴ Kukena, kusina nyazo; oh, haleluya; lwaya cwanoñu mwa lihalimu; amen; luyemi ka kuitukisa. Munahane. Liapalo za mina, li tapile ka Mezi a Linzwi le li lota mali! Linzwi la ba Mali. Linzwi la lota mali kabakala wena, mi u tapile mwa Linzwi le li lota mali. Ki Linzwi, leli lota mali! Bupilo bwa Mulimu bu mwa Linzwi, mi Linzwi la lota mali kabakala hao, kuli u tapiswe kwa masila a mahule baa, ni kuba ya kenile mi ya kenisizwe ka kutapiswa kwa Mezi a Linzwi, ni ku konisa ngana ya hao ni pil kuinelela ku Mulimu ni Linzwi la Hae.

²⁷⁵ Cwale, u ziba cwani kuli Ki niti? Mi Mulimu ha tahafafasi ku to Li paka ni kubonahalisa.

²⁷⁶ Mu li, “Kihande, Ne ni sa Li lumeli ka nzila yeo.” Ne ba sa Li lumeli ka nzila ya Jesu, kono Mulimu a Li bonahalisa. Ne ba sa Li lumeli ka nzila ya Nuwe. Ne ba sa Li lumeli ka nzila ya Mushe. Ne ba itakaleza kunga manzwi a Balami ka Zona, “Kaufela luna lwa swana, kona kuli ha lu kopaneñi fela hamoho.”

“Mu kauhane,” Bibebe ibulezi, “muzwe kwa ku sa lumela.”

²⁷⁷ Haleluya! Cwale amulemuhe. Ha mu seo fela, kono muya kwa Sinawenga mwa mbyumbyulu. Mi mu itamile taulo ya sinawenga ye zibile kale, ya sishemo se si fiwa feela, taulo ya sishemo se si fiwa feela ya mina. Mulimu u li petile hale, yena Kasibili. Na ku zibile kale mutomo wa lifasi usikaba kale, kacwalo A kutama taulo ya sinawenga ona Kwani, añola libizo la hao mwa Buka. Ha ki buitumelo ni boo! Haleluya! Kulumbwe Mulimu wa luna!

²⁷⁸ Cwale, ka kukwala, Na kona kubulela cwana. Kaufela lu ziba kuli keleke ya cwale, Mapentekota, mwa buino bwa yona bwa cwale... Likopano kaufela hamoho, Ni ka li nepela fela mwa sischañata silisiñwi, kakuli li cwalo. Mu hupule, Uka tama mufuka, pili, mi kona u ka ciswa. Ange bu... Unga mata a buloto kaufela wa acisa, pili; kona Anga, utaha ku tonga buloto bwa Hae ni ku buisa kwa hae. Kaufela bona ba kopanela mwa mañata, ñata yaba Methodist, Baptist, Mapentekota, kaufela bona ba libile kwa Katengo ka Swalisan. Ku felile. Kaufela bona ba ciswa. Mwabona?

²⁷⁹ Kaufela lu ziba kuli keleke ya kacenu, mwa buino bwayona bwa cwale ni mayemo ayona a cwale, haikoni kufeza tumo yetuna yeo Mulimu nafile kwa Keleke mwa lizazi lee. Ki ba bakai Mapentekota ba bakona kubulela kuli “amen” ku seo? [Kopano ili, “Amen.”—Mu.] Kiniti. Mwabona? I mwa...

²⁸⁰ Luba Oneness, Twoness, Threeness, *se, sani, sesiñwi*, kukanana, kulwana. Yo u *se*, mi yo u *sani*, ni *sesiñwi*. Mi ufi ni ufi wa bona kaufela, ba saba kutilimana ni Linzwi, ku yo punya kwa tatubo. Mwabona? Ba ziba. Mwa ba bulelala za Lona, mi ba li, “Na—Na hanikoni kuli yemela. Ha ni koni ku Li lumela. Hanina taba kamba ueza sikamañi. Ni...” Mwabona? Mwabona? Mwabona? Si bonisa maho ni ndataho bao unani. “Wakona kuba mutoneli wa silalandia zazi leliñwi. Wakona kuba *se, sani, kamba sesiñwi*.” Mbwesha ube mwana Mulimu.

²⁸¹ Cwale, lu ziba kuli keleke haikoni, keleke ya Pentekota, kuge cwani ni cwani, kuge cwani ni cwani, haikoni kulwala Liñusa la lizazi la mafelelezo, mwa buino bwa yona bwa cwale. Nji cwani? [Kopano il, “Batili.”—Mu.] Kiñi, mane ha i lumelelani neba fa linzwi kamba amabeli a Manzwi a Bibebe. Mu ka li eza cwani? Hali konahali. Kacwalo, mwa bona, kopano ikwande. Yeo ki niti.

Ikaba sicaba se si ketilwe se si ketezwi zeo. Mwabona?

²⁸² Cwale, muzibe, mi kacwalo mañi ni mañi wa luna a zibe, kuli mundandwe kakutala wa likopano, Mapentekota ni babañwi kaufela, ba shwile, fo kikuli, ku Mukreste ya pepilwe sinca wa Liñusa. Uh-huh. Muuna hao wa pili u shwile. Mu ziba kuli ushwile. Mulimu u li tuhelezi kushwa. Ku felile. Za sayansi zayona kaufela, za ngana ya butu, za lituto, mikwa ya sayansi ya yona yebizwa kuli likolo za Bibele ni lika zeñwi li yundile. Li ezize sikamañi? Li kauhani, oneness *fa*, ni ba bulalu *fa*, ba twoness *fa*, ni neku le *fa*, ni kutahafafasi *fa*, mi ha ki kulyangana ni koo, kono ba ipiza kuli ki Mapentekota.

²⁸³ Kiñi, Ne ni ile ku mutangana yomuñwi, zazi leliñwi; usweli wa teeleza cwale, ona fa. Ni musizana nyana, ki wa keleke yeñwi. Ki hali . . . Se nili . . . Neba kauhani. Se nili, “Ki butata mañi?”

Bali, “Lu ba litumelo zeshutana.”

Se nili, “Oh, Ni swabile. Wena u wa Katolika njii?”

²⁸⁴ Musali ali, “Batili.” A ni bulelela kopano ya keleke kwa na ya, neli Pentekota.

²⁸⁵ Se nili, “Wena bo u *mañi*?” Muuna yo ki wa Pentekota, ni yena, kono ki kopano isili. Oh!

²⁸⁶ Mwa ziba, keleke ya Katolika ya Roma kona ye kalilsize, Pentekota? Ki ba bakai baba ziba kuli yeo ki niti? [Kopano ili, “Amen.”—Mu.] Kubile myaha yelikiti zepeli kuli ifite fo ifitile cwale, ha i sa zamaelela ni Liñolo lifi kaufela kufelile. Hakuna. Kiñi, ba Pentekota, ka myaha ye mashumi amabeli kuzwa cwale, bakaba mwa bumaswe hahulu kufita mo ba bezi cwale, lizwelapili kuya liba mo li inezi cwale. Kiñi, luli. Mwabona? Ki sikamañi seo? Ki sikama seo? Mutualime kuli ndata bona u cwani ni maa bona. Balumeleza bhame babona kukuta milili. Bakona kueza sika kaufela se ba bata kueza. “Haibile fela ba fumaneha kwa keleke yee, kona fela ze li butokwa.”

²⁸⁷ Oh, ki kabakaleo, ki kabakaleo katulo ya Mulimu ha i halifile! Mulimu u Li beile fapila meeto a mina mi mwa itima kwa meto ni kupalelwa ku Li talimela. Eehe. Mwa kwala maikuto ana ni makeke, ha mubona Linzwi la niti la Mulimu ni Maswayo Asupa anza pakiwa ni kuboniswa cwalo. Ni kupakiwa mwa mahalimu, kusila linaha ni libaka zeñwi kaufela, ka lisupo zetuna ni ze komokisa za Na sepisize kuli Uka li eza, kipeto mwa ikwalela, ni kubulela kuli, “Ha—Ha ni zibi. Ha—Ha kuna mo ni kona kuezeza. Ha . . .” Mwabona? Oh, mawi! Li shwile, mi ha li zibi cwalo. Libi ni bumaswe! Mu shwile. Oh, mawi!

²⁸⁸ Kaufela lu ziba kuli keleke mwa buino bwani haikoni kufeleleza lizazi la maungulo lee. Likona kutisa cwani Malaki 4 mwateni? Likona kueza cwani zeo? Kakuli ha ba lumeli mwa litaba ze cwalo mane. Bakona kulumela cwani, kutisa mwateni Luka 17:30? Balikona kutisa cwani mwateni Mañolo amañwi aa kamukana a sepiselizwe lizazi la mafelelezo lee? Nelsike zaeza

cwalo, kakuli la Li latula. “Ona mone ku inezi mwa mazazi a Lota, kimo ku kabela ni ha taha Mwana mutu.”

²⁸⁹ Mutualime fa buino, Lota, Sodoma yanali ku yona yani, ka lizazi lani. Mutualime, buino bwa keleke mwa lizazi lateni. Mutualime sene si ezahalile ku Abrahama, ya Ketilwe.

²⁹⁰ ortalime sene si ezahalile ku Lota ni babañwi mwa Sodoma mwani. Mutualime ku bo Billy Graham ni Oral Roberts, bene bali kwani mwahala likopano zani. Mutualime Keleke yena Abrahama ya ketilwe, ha comoha mwateni.

²⁹¹ Mutualime mufuta wa sisupo, seo Jesu Kasibili, Mulimu ya bonahalezi mwa mubili inza yemi fani mwa nama ya butu. Mu li, “Lani neli Lingeloi.” Bibebe ibulezi kuli Ne li Mulimu.

²⁹² Mulena Mulimu, Elohim, inza yemi fani mwa mubili wa nama, inza bonisa kuli Na ka toza Keleke ya Hae mwa mazazi a maungulo, ikona kuba Mulimu ya beleka mwa nama ya butu hape. “Sina mo ne kuinezi mwa mazazi a Sodoma, ki mo ku ka bela ni ha taha Mwana mutu.” Ki taba yeswana. Baibona mwa Mañolo. Mubale mwa . . . “Mubalisisa Mañolo, kakuli ku Ona muhupula kuli muna ni Bupilo Bobusafele.” Mi ki Ona A paka litaba Zee. Mwabona? Mwabona?

²⁹³ Kacwalo lu ziba kuli ba shwile. Mulimu u li tuhelezi kushwela mwa buitati bwa bona, bu sayansi, mwa litukiso za lituto.

²⁹⁴ Mapentekota kaufela ne ba bulelanga za—za kuluma mwana bona kwa sikolo sa Bibebe, kwani linako zani Muzwale Loyate, inge asali kwanu, mi ne ba zwa mwa keleke. “Kono, oh, cwale seli nto yetuna luli. Mwana ka u kwahule umwa sikolo sa Bibebe.” U sweli kukata libita la hae. Kacwalo, cwale, munahaha kuli neba ka Li utwa, kacenu?

²⁹⁵ Mu nahana kuli Ni lika kuyemela kusa ituta? Batili kutokwa. Na mi bulelela kuna ni shutano mwahala lusika lo lwa zibo hahulu mo lupila, koo keleek ibeilwe fa mezi amanca ki sayansi ni zebizwa kuli “ze alungutilwe” ni lika zeñwi kaufela. Ha mukoni kualunguta Mulimu.

²⁹⁶ Kihande, ba—ba baprisita bani ne ba alungutile hahulu za Mulimu ka swanelo, ne ba ziba Mesia mwa na ka tahela, kono Ataha ka kushutela kwahule luli ni mo ne ba nahanelia. Ne li za sayansi. “Muuna yo kana ukona kuba cwani, kakuba Mwana wa mwa bunyazi? Ukeni sikolo sa ka kai? Kanti tuto ya Hae izwile kai? U zwisize kai kuituta kwa hae?”

²⁹⁷ “Kiñi, U lika ku luta luna wena? U pepezwi mwa bubuki.” Mwabona? Oh, kuya fela ka swanelo ya lika!

²⁹⁸ Mwabona nto yeswana ha i kutela hape? [Kopano ili, “Amen.”—Mu.] Mwalibona ha likutela hape? Kaufela bona mwa sayansi yabona ya bulapeli, sayansi ya bulapeli kuya ka se si bulezwi ki sikolo sabona sa Bibebe, kona mo ba Li batela cwalo.

“Kona mo Li lukela kubela ona cwalo, kusi cwalo ha Li si ka luka.”

²⁹⁹ Mulimu wa ba sheununa, ka nako kaufela. Ka nako kaufela litahanga ka kushutana. Ne kubile cwalo mwa nako ya Nuwe; kubile cwalo mwa nako ya Mushe; kubile cwalo mwa nako ya Kreste; kubile cwalo mwa nako ya Joani; kubile cwalo mwa nako ya baapositola; kubile cwalo mwa nako ya Wesley; kubile cwalo mwa nako ya Luther; kubile cwalo mwa nako Pentekota; mi ki mo kubezi cwale hape. Ha li cinci mukwa wa Zona. Nako kaufela litaha ka mukwa o swana. Konji fela baongaongi mwahala ona a sebene . . . masika a silezi ani, kuto punya ku lwa bu sebene. Mi Sinulo 10 iize, mwa hola ye li ka cinca. Mi li cincize.

³⁰⁰ Cwale lwa kwala, ka kubulela cwana. Kufeza tumo yetuna, nebaka lieza cwani? Lu ziba kuli ba shwile. Mulimu u li tuhelezi kushwela mwa lusika lo lwa sayansi, kaufela zona, kacwalo—kacwalo Na konile (kueza sikamañi?) kukwalula kunutu ya Liswayo la Busupa ku Munyaliwa yasi wa kopano. Kana kopano ikona kuamuhela cwani Maswayo Asupa ao, kanti Za lishutanelia kwahule hule, peu ya noha ni litaba zeñwi zeo kaufela? Likunutu kaufela zetezi ze sebene za shutana ku ze ba lutilwe, kakuli ba zwisize sikolo sa bona mwa sikolo sa Bibebe.

³⁰¹ Mi Maswayo Asupa a Mulimu, ha Na kwaluhile fani fa lilundu: mutuhele Mulimu, batili, mnantuhele ni shwele ona fa katala fa haiba Yeo ha ki Niti. Mi Ni mi bulelezi kale, mwaha ni likweli ze silezi li si ka ezahala kale, Za na ni bulelezi, “Zamaya kwa Arizona,” ni sene si ka ezahala mwani mwa lihalaua. Mi kuna ni baana babaliteni mo, busihu cwana, neba yemi kwani mi nebaliteni Mangelo a sebene ani ha taha fafasi. Mi neba mag—. . . Ba mutende, wa *Life* magazine, ba ñola taba Yateni. Liteni mwani mwa ndu ya lipatisiso, ni lika kaufela. Cwale ha ba sa ziba kuli ki likamañi Zani.

³⁰² Mi kamukana ha se li bulezwi, oh, neba ka za sinyeho ya California, yetaha cwanoñu fa cwale, ni lika zeñwi ze kaufela. Ni mo ne Ni ba bulelezi kuli kukanga mazazi akuma kai, mo ne ku ka bela ko ku ezahalezi zikinyeho tuna ya lifasi ye mwa Alaska, mi ao akaba makalelo a sisupo sa nako, ni se si ka ezahala. Mi kuya fela linzwi ka linzwi, se ne Li bulezi, Ha Li si ka palelwa fateni neba nako iliñwi. Hamusika Li bona kupalelwa. Mi ha Li koni ku palelwa, kakuli Ki Manzwi a Mulimu. “Mi Lihalimu ni lifasi li ka fela, kono Lona halina kufela.” Yeo ki niti.

³⁰³ Mulimu na kwaluzi Maswayo Asupa ani, isiñi mwa kopano. Ni bile ya li Iwanisa ka nako kaufela. Kono, kwande a kopano, Wakona kuikungela Munyaliwa, isiñi munyaliwa wa kopano. Hakoni kueza cwalo. Li Iwanisa Linzwi la Hae Tota. U kwaluzi makunutu a sebene ani mwateni. Zeo libonisa hande, li shitula lika zepatilwe kuzwa haisamba kutomwa mutomo wa lifasi, zekona ku patululwa mwa mazazi a maungulo, kwa bana ba

Mulimu. Ba tisize litaba Zeo cwale fapila sicaba, kuli ba Li bone, kwani, mina cwale, ku Munyaliwa yasi wa kopano yoo. Oh, mawi!

³⁰⁴ Ki zeo libuka za mina zepeli. Iliñwi ya zona ki Buka ya Bupilo ya Ngunyana. Libizo la hao Mwani li lemuhezwi kuba teni Mwani. Haliko kuya, kakuli haukonu ku li zwisa mwatereni kulieza nto ya mbango, mwabona, kakuli ne li lelilwe kale kuba Mwatereni. Kono haili buka fela yezibahala ya bupilo, yakona ku takula zeo mwatereni ka nako kaufela. Mwabona? Ha usa baki, la zwa mwatereni, nihakuli cwalo, kakuli uka yo yema kwa Katulo. Munyaliwa yena mane hana ku yo yema fapila Katulo; uya mwa Kuungelwa. Kuswana fela . . .

³⁰⁵ Ni bulele cwana, ka kukwala. Se li busihu, kacwalo . . . seli bukaufi ni naini-seti. Mi lu kabe luzwile mo ka naini-seti, Mulena ha lata. Mube fela ka likute luli cwale, amuteeleze. Nako yeñwi . . .

³⁰⁶ Ni bulele cwana cwale, se siya mwahala naha. Mwa New York, cwale seli mizuzu ye twenty-faifi kasamulaho wa ilebene. Kafoo kwa Philadelphia ni mwa libaka zeliteni kwani, baba kenile babande bani ba bateeleza, nako ya cwale, mwa likeleke zeliteni kaufela. Ku kambama kafoo, ni ku shetumuka kwa Mexico, ku kambama mwa Canada ni libaka ze potolohile, mwa buse. Limaili ze mianda yemibeli, kai kaufela mwahala lifasi la North America kwanu, mane, sicaba siteile lizebe, ba teeleeza cwale. Likitikiti ku alulwa ka likitikiti, za teeleeza.

³⁰⁷ Mi leo kona Liñusa la ka ku mina, Keleke, mina babali tamahano, tamahano ya Moya ka Linzwi, mina baba shwile kwa baana ba mina ba kale baa. Mu pepilwe sincea. Musike mwa lika ku mu kata sincea hape. U shwile. Haiba u Mukreste ya pepilwe sincea, kokwani nyana yani yene lukiselizwe wena, ki Linzwi le li taha fa Linzwi, fa Linzwi, fa Linzwi, ni kutaha mwa sibupeho se si kwanile sa Kreste, yeo ki niti, kuli Atahe atonga Munyaliwa wa Hae. Cwale lu itukiselize fela taba iliñwi, yeo ki Kutaha kwa Mulena.

³⁰⁸ Kuna ni Libizo la hao mwa Buka ya Bupilo. Buka ya Bupilo kona Linzwi la Mulimu, kakuli Linzwi ki Mulimu, mi Mulimu fela ki yena anosi yali Bupilo. Kacwalo libizo la hao ne li patatalizwe mwa Bibele mane Bibele isika baka kale fa Linzwi. Mi haiba uteni mo kuli eze cwalo, hanili Li ka paka Linzwi leo naa? [Kopano ili, “Amen.”—Mu.] Kikuli Keleke ika palelwa ku ipaka Yona Iñi? Hanili Malaki 4, ni lika zeñwi ze kaufela, hande, nde li iponahaze ili Zona ni kupatalaza kuli Kona mo Li inezi naa? [“Amen.”]

³⁰⁹ Mi Jesu ha taha, Na ize, “Ha Ni sa ezi misebezi ye sepisizwe kuli Ni eze, musike mwa Ni lumela.” Ki sifi sa likwata za Na keni ku sona? Na ize, “Kamukana bona . . . Mina mu zwa ku

ndata mina, diabulosi, mi mu ka eza misebezi ya hae.” Mwabona? Mwabona?

³¹⁰ Lu mwa mazazi a mafelelezo, Keleke. Leo kona Liñusa la ka la buitumelo ku mina.

³¹¹ Cwale, lu si ka kwala kale. Nako yeñwi Ne nili kwa Glacier National Park. Ne lu sweli kuutwa musihali wani kaufela, kuli neba na ni—nebana ni puka . . . ñundupula ye ne ka nela busihu. Kacwalo sicaba ne si patehile, musihali wani kaufela, banze ba itukiseza taba yeo, kakuli nekuna ni kusuluha kwa mulilo wani, busihu bwani. Ba beya mezi a suluha inge puka ya mezi. Kono ki . . . Ne ibonahala ige nambwamatalati, cwalo, ha li zwela kwande, kuzwa mwa mulilo onosweli kunela wani wa puka yee. Mwa sibaka sani kaufela mwa likota, musala ka ni Na, ni bana, lwa zamaya mwahala musihali. Ne lubata kuina, kuli lubuhe mulilo wani. Kacwalo ne—ne—ne lu sepisizwe kuli lu ka li bona, mi ne lu ka li bona hape. Neba bulezzi kuli babanga ni zona mwa nako ya mbumbi kaufela ni zeñwi cwalo. Se nili, “Kihande, kana lu ka kona ku libona?”

³¹² Bali, “Lu sepisize busihu boo. Lu sepisizwe cwalo.” Bali, “Bateni fahalimu fani ba i tukiseza zona cwale.”

³¹³ Kasamulaho kaufela limano lukisezwa mukiti! Kona zesweli kunga sibaka cwale. Kaufela lisweli ku lukisezwa mukiti wateni, ki Keleke yesweli kubizezwa Libizo la Hae, kuzwisa Munyaliwa wa Hae mwa lifasi, likopano ze ni lifasi kaufela, ni masila ni lika zeñwi za lifasi.

³¹⁴ Mañi ni mañi; mukiti wa lukiswa. Mañi ni mañi na yemi fande. Se bali, “Cwale muzwelepili kubuha, fahalimwa lilundu lani.”

³¹⁵ Kona mo Li tahela cwalo kamita. Kona mo Lina ni kutela ka nako yee. Kona mo Li tahela cwalo kamita. Isiñi ka kopano! Mulimu ali kuba aitusise kopano, kutokwa!

³¹⁶ Muongaongi haya, uba ni Linzwi la Mulena. Mi cwale ha shwa, ba yaha kopano ku yona. Kona mo ba ezelize Mapentekota ni babañwi kaufela. Litaba zenza ni zeñwi kaufela, kona fela ona cwalo, kona taba yateni mo itahezi. Linzwi lelinca la ekezwa, mi ba yaha keleke kuyona, ba eza kopano, baikaba ili bona. Nekuna ni kuba ona cwalo.

³¹⁷ Cwale, hamukoni kupuma—hamukoni kupuma za taho. Taho ifumaneha mwa muzamao oswana, ka nako kaufela: lutaka, litali, sibunga, zeñwi cwalo, sikapi, kona kutaha buloto.

³¹⁸ Cwale mulemuhe. Kaufela ne li lukile. Kaufela ne li tukile ni kulukiswa. Mi mañi ni mañi na yemi fande. Ne ni nangukiselize toho yaka mwahalimu, lizoho laka li kambekilwe ku musala ka. Nelusweli kutalima. Mi bana inge bayemi, kaufela luna lwa li kutalima mwahalimu, sina cwalo. Mawi! Ne li nto yeñwi, kakuli ne lu libelezi cwalo. Ne li sepisizwe luna.

³¹⁹ Amen! Linzwi ha lisepisa Se. “Ku ka ezahala, kuli kusika taha kale lizazi lelituna lelisabisa la Mulena, amubone, Ni ka mi lumela Elia mupolofita. Uka fetula lipilu za bana kwa bashemi, ni lipilu za . . .” “Ku ka ezahala mwa mazazi a maungulo kuli, Ni ka sulula Moya wa Ka kuzwa kwa Lihalimu.” “Pula ya masehulo ni pula ya mwa mulaho hamoho mwa lizazi ka mafelelezo.” Lisepiso ze kaufela, kuya ka Mañolo, ze filwe. Lu talimezi kwahalimu. Mutualime Munyaliwa wa niti mwahala na ha ka hola yee, ya litezi. Keleke, Wa taha, leliñwi la mazazi aa. Sina mwa Na tezi ka nako yapili, Uka taha hape. Mu lukise lika kaufela. Mukauhane kwa sikapi. Muine fapila Mwana. Mutundamene kutalima mwahalimu. Mube mwa tibelelo.

³²⁰ Hañi-hañi fela, lwa utwa lilata fahalimwa lilundu, kwa taha linzwi mwa laudi spikika, lali, “Lika kaufela li lukile.”

³²¹ Mi muuna yana yemi bukaufi nina kwa silyo, ali, “Mulilo ha u nele.” Ki wo wa taha, unzo suluha fa lilundu fani, neli kushengunuka kwa litwa la mulilo ni mamonyi a yekauka, awa mama neli pono luli.

³²² Muzwale, ha lu lukiseñi lika kaufela, kakuli leliñwi la mazazi aa Mulilo uka nela. Lwa kambama. Cwale ha lu itukiseni nako ya kunela kwa Mulilo. Lu mwa mazazi a maungulo, kaufela lwa ziba cwalo, mi lu itukisize Kutaha kwa Mulena. Taba ya kueza ki ku kauhana kwa sibi kaufela. Mukauhane kwa sika kaufela sesili sa lifasi. “Musike mwa lata lifasi kamba lika za lifasi.”

³²³ “Musike mwa ipumelwa, ki mutu, ka lituto za hae.” Muinele fela hande mwa sepiso ya Mulimu, ka Linzwi la Mulimu. Mi Linzwi leo, haiba Ki Linzwi la lizazi lee, Mulimu uka Li paka kuba cwalo. Ha sa Li paki cwalo, ha ki Linzwi la lizazi lee.

³²⁴ Linzwi le li wile ka Lizazi la Pentekota halina kubelela ka lizazi lee. Batili, sha. Lani ne li la Pentekota. Se ki la Munyaliwa, kuya kwa Hae kwa Munyaliwa. Luna ni sika se si shutani. Mapentekota ba bonisize cwalo, hape. Lu mwa lusika lwa Munyaliwa. Haisali Linzwi la—la Nuwe le li ka beleka mwa mazazi a Mushe; mane sina hane ku sa konahali kuli mulao wa Mushe ubeleke mwa nako ya Paulusi moo. Na likile ku ba bulelela kuli, “Mu shwile ku zeo, mi hamukoni kuba ni zeo.”

³²⁵ Keleke, mina be Ni bulelela, busihu boo, mwahala na ha, haiba—haiba mu ikambusize kwa kopano ni masila kaufela kaufela ni lika za lifasi, ni lika kaufela ze mi beya mwa lituto za litumelo za batu ni mikwa ni litaba ze cwalo, mu kauhani ku zona: Amu inuke. Mu itukise. Mulilo uka tuha u wa, leliñwi la mazazi aa. Mulimu uka Mu tulukisa kutaha, mi ha ki pono ni yeo. Kikuli ukabe u i tukisize Ha taha? Kikuli ukabe u i tukisize kuya ni Yena mwa halimu Ha taha? Kuungelwa kwa kunutu kwa Munyaliwa ya ipitezi, “Uka ezwa wa na . . . kuzwa kwa butu kutaha kwa ku sa shwa; uka cinciwa, mwa nako nyana fela, ka

kukobya kwa liito. Luna ba bapila mi lu siyala haluna kutibela baba lobezi.”

³²⁶ Zazi leliñwi, ka Lizazi la Armistice, Ne ni yemi kwani kwa Tucson. Mushimani waka na bata kubona masole bene ba caula. Neni sweli kubala, mi Ne ni sina nako yakueza cwalo. Mi Ne ni na ni lipizo zeñata za makulano ni litaba zeñwi. Konakuli ki hali, “Tate, habana ku ni nga.” Ki hali, “Amu ningwe.”

³²⁷ Se nili, “Ku lukile.” Muzwale Simpson, Na sepa uteni mo; ni mushimani wa hae na bata kuya. Kacwalo Na ba lelekisa mwa mota mi bazwa inge ba mata.

³²⁸ Na yema fani fa lilulu inge ni buha. Mi kasamulaho nyana, Na utwa, kwa mulaho fahule nyana, mulumo olila, “womp, womp,” lingoma, inge liliziwa. Na yema fani. Na hupula nali, “Kihande, balikani babanyinyani bani, habaka bala libuka ze kaufela ka za mpi. Luli ba ka li tabela.” Na lemuha, kuli pili sene sitaha pili nelii singongolo sa kale sa Ndwa ya Lifasi kaufela ya I. Ba taha sikwata sa banana fela cwalo. Nekuna ni bene ba tatami mwa mulaho, kuzwa fani; kwa tatama babañwi kuzwa fani nekuna ni singongolo sesituna sa Ndwa ya Lifasi kaufela ya Bubeli, singongolo sesituna sa ba Sherman ni sitamiso ku sona. Mi kwa taha yetatama, ni yetatama, mi kasamulaho nyana kwa taha ba Gold Star Mothers.

³²⁹ Mi cwale, kasamulaho nyana, kwa taha baika ba twelufu ba basiyezi, mwa tolopo ya Arizona kaufela, kuzwa kwa Ndwa ya Pili ya lifasi kaufela; baika ba twelufu. Kuzwa fani, kwa taha ku cimbauka, musole ya sa zibwi, sifapano nyana se si sweu. Nekuyemi sandaula, muuna wa sisepe, mi ili musole, ya yemi inza libelela; siemba nya fa mezi se si cimbaka. Kwa neku leliñwi nekuna ni musali-muhulu wa limbi, yana inzi ni kasipi ka naleli ya gauda fa liapalo za hae, mufumahali yalateha inge alila, muuna hae na shwile; mushimani yomunyinyani ya pazauhile, toho ya hae ya fetuhela kusili. Bondatahe ne ba bulailwe. Mi mwa mulaho wa zani kwataha buñata ni buñata ni buñata, ni kutaha kwa mpi yenca. Na yema fani. Ha ki pono ni yeo ha italimwa, kono ha ki kutomola pilu ni koo!

³³⁰ Na hupula kuli, “O Mulimu, leliñwi la mazazi aa Ni ka bona pono yeñwi.”

³³¹ Ku ka taha lizazi la zuho, yeo, “Bapili bapili ba kaba ba mafelelezo; babali kwa mafelelezo babe ba pili.” Bapolofita ba kale ba ka taha inge ka buñata, pili, mi babone muzamaao unzo ezahala, ku zamaya kukena mwa mbyumbiyulu. “Cwale luna baba pila mi lusiyala haluna ku tibela baba lobezi. Kakuli tolombita ya Mulimu i ka lila, baba shwile ku Kreste ki ha ba ka zuha pili” Lu ka kenelela mwa mukoloko ni bona habanze baya, haleluya, kaufela bona mwa lusika lwa Luther, Wesley, Methodist, Presbyterian, kutaha cwalo kushetumuka ni

kwa lusika lwa mafelelezo, baba amuhezi Linzwi mwa lusika lwa bona.

Mulimu ami fuyole. Muitukise mwa litaba kaufela, mi Mulilo uka nela.

³³² Halu inamiseni litoho zaluna fa nako nyana. Ha ni zibi, mwa sicaba se si bonahala se busihu cwana, hanze Ni mi liyehisize ka . . . kufita ka naini-seti. Kana kuna ni yomuñwi moo, kana kuna ni licika la ba twelufu mo, ki babakai mo, babali, “Muzwale Branham, Ni ikutwa maswabi, ka mo Ni pilezi. Ni file zeñata kwa kopano ni batu. Ni ziba kuli ha Ni ya lukile hande mwa Linzwi la Mulimu. Ni kupa fela kuli u ni lapelele kwateni, Muzwale Branham”? Munanule mazoho. Mulimu ami fuyole. Mulimu ami fuyole. Mutualime fela, fahalimu ni mwa malibela, kai ni kai. Mulimu ami fuyole. “Na ziba . . .” Cwale musike mwa swaba. Cwale, musike shangwe.

³³³ Mi kwande kafoo, mwahala naha, kuzwa kwa New York kuya kwa California, kuzwa kwa Canada kuya kwa Mexico: mina sicaba se si kopani mwa likeleke zeo (ko kuna ni likwata nyana za sicaba se si lumela mwa Liñusa le ka lipilu za sona kaufela; ba zwezi fande, kuzwa mwa nyandiso yetuna, kuzwa mwahala likopano zani; ki macwe abutokwa a Bupilo) kikuli mwa ikutwa kukasha, busihu boo, inge mbande ya mwana, kuli musweli kuteeleza Litaba zeñwi ze shutana ku ze mubile muutwa, kono, niteni, mwa lipilu zamina muziba kuli ki yona Niti? Mina, kafoo, kuna ni mulisana koo ya yemi kwateni. Mu nanuzi mazoho a mina. Ni ka mi lapelela.

³³⁴ Lika ze ha li si ka ezwa mwa lilulu, mulikani. Muhupule, “Munyako wa kumbama mi nzila ki ye sisani, mi ki baba nyinyani baba ifumana.” Usike mwa zamaya ni sikwata sesiya neku leo, mulikani, Lusika loo lwa Keleke ya Laodesia. Yakona kutulaka-tulaka, kubina bakeñisa lipina, kuenya. Ha i si ka bulela kuli neli makoto a kangezi, cwale, i bulezi kuli ne i enya fela, yeo ki Pentekota, mi ha ba zibi kuli ba nyandile, ba zielehile, ki libofu. Bubofu kwa sikamañi? Kwa Linzwi, kwa ponahazo ya Linzwi; kakuli Ne li si ka taha ka likopano za bona, habakoni ku Li amuhela.

³³⁵ Ni mina bakutazi kafoo kwa Tucson, busihu boo, Ha ni mifi mulatu ka seo. Mulimu ki yena ya atula. Nenili teni koo ka myaha ye milalu. Ne ni mi bulelezi kuli Hanina ku kalisa keleke. Ne ni si ka ikalisa. Muzwale Pearry Green ki yena ya na ikalile. Nenili kafoo myaha yemilalu, mi hakuna neba nako ilinwi yokile wa ni mema fa katala ka hao. Ne ni pilile kwa Tucson kubata kukwanisa lilimo zetalu. Mulimu uka ni zwisa mwa lihalaua leliñwi la mazazi aa. Liñusa le lina ni kupila. Ni likile mo ni konela kutaha ku mina. Na—Na ziba libaka lo no ezelize cwalo. Mwa utwa? Libaka lene mu ezelize cwalo, kopano ya henu neika mi lahela kwande. Mi mwa ziba, buñata bwa mina Ni ambozi ni

mina, kwani kwa Restaurant yabo Furr, mi muziba kuli ki niti. Maswabisa ku mina.

³³⁶ Amuzwe ku zona. Zwa mwateni, muzwale. Haiba kuna ni Bupilo ku wena, ukaba sina mbande yani ya mwana ye Ni sa zo ambola ya zona, uka utwa Linzwi la Mulimu. Muhupule, mu ka Li teezeza ka nako ya mafelelezo, leliñwi la mazazi aa. Se luli kwa maungulo cwale. Kikuli hamu tahi, busihu boo?

³³⁷ Mulimu Yomunde, lu ina ka likute cwale, ka lizazi la buitumelo le mo iinezi, Mulena. Ni itumezi, Mulena, ka kupila mwa lizazi le. Le ki lizazi lelituna hahulu. Paulusi muapositola u lakalize kubona lizazi lee. Baana babatuna baikale ba kalalize ku libona. Bapolofita ba lakalize ku libona. Ba batile kubona lizazi lee. Abráhama na libelela lizazi lee, kakuli u batile Munzi oo Muyahi ni Mulali waona ki Mulimu; u fumaneha fahalimwa luna fela. Joani na boni Moya wa Mulimu ha u shetumuka kuzwa mwa Lihalimu, mi apaka cwalo, aziba kuli yani yani neli Mwana Mulimu. Mi, munahane cwale, U ketile Munyaliwa wa Munyaliwa.

³³⁸ Mulimu Yomunde, kwande mwahala naha kai ni kai, ambola kwa lipilu zabona. Ki wena fela Unosi yakona kufetula lipilu zabona. Kambe yani ne si Peu yene calilwe kubona kwa simuluhu, nebasike ku I bona, Mulena. Bona fela ki... “Sibofu ha si etelela sibofu se siñwi. Ba ka wela mwa musima,” ka niti fela sina sika kaufela, kakuli Linzwi la Hao libulela kuli bakaba cwalo.

³³⁹ Cwale, Ndate, bakeñisa kuli lubona mwabuse bwa na, ni kupotoloha lifasi, mwa Africa, buñata, ñata mwa South Africa, Mozambique, kaufela mwahala naha, liputeho zelikani zesweli kuamuhela matepu aa. Mi kona ni tepu ye mo i ka hasanela mwa linaha ze mashumi amabeli ni zeñwi zeshutana. Ba kala ku Libona ni ku i kambusa kwatensi, mianda anda ya bona. Hakuna kuba babañata, Mulena. Mi cwale mutu wa mafelelezo ha sa amuhezwi mwa Mubili, Kreste uka taha.

³⁴⁰ Mulena Mulimu, Ni buza Munyaliwa, busihu boo, bona bo Ni ikutwa kuli ba ikabile mi ba libelezi, shangwe ha ba kauhane kwa sika kaufela sa lifasi. Ba lukela kuba Fapila kubateni kwa Liselil la Mwana le li futumala la Mwana Mulimu, batapa mwa Linzwi la Hae, mwa lilato la Hae. Lumeleza cwalo, Mulimu yomunde.

³⁴¹ Sicaba se mo, se si bonahala, se si nanuzi mazoho asona, busihu cwana, buñata luli bwa bona mwa tabernakele mo, Na lapela, Mulimu, kuli Bupillo bobunca butahe ku bona; Na lapela cwalo, kuli mwahala naha mane ni kwa lifasi loote, ko ku ka liziwa tepu, kuli ni bona hape ba amuhele Liñusa le la Buitumelo mi ba zibe, ka litaba za butokwa ni zeñwi ze bulezwi, ze ba lukela kueza. Na lapela, Ndate. Lumeleza cwalo. Ba fuyole. Ki ba Hao.

³⁴² Ni ziba kuli ki za mulao cwale, Ndate, kuli lu bizezange sicaba kwa katala. Mi Na lapela, Mulimu yomunde, kuli mwa tumo kaufela, kai ni kai, mane ni mwa lifasi kaufela, kuli ba tahe kwa katala: babansu, babasweu, bayelo, babafubelu, kamba bainzi kai kaufela; bafumi, babotana, babasina taba kwa lika, bo mukunyandela mukuyoisa.

³⁴³ Ba likopano, bona babainzi mwa kuinuneka kwa bupilo ni kuina mwa buitati, O Mulimu, “Mapunu, banyandi, babotana, libofu, kanti mane ba sa zibi.” U bulezi kuli ku kaba cwalo, mi kona mo kuinezi.

³⁴⁴ Kacwalo Na lapela, Ndate, kuli U bize Peu ifi kaufela, busihu boo. Ni ni libaka kaufela mwahala lifasi kuli Se si tahe, ha Si swale mbande ya mwana yani ye ziba Linzwi la Mulena yona. Lumeleza cwalo, Mulena. Ni ba beya ku Wena, ka Libizo la Jesu. Amen.

³⁴⁵ Cwale ni litoho za mina zeinami cwalo, mo mwa sicaba se si bonahala. Kana babañwi mo, baba si ka piliswa kale, mane mwendi neba kufa lipilu za mina ku Mulimu, kikuli hamuboni kuli mu lukela kuitumela ku sa mi ezelize Jesu? Ka kunahana, kuli u muezalibi, kuli u muzwahule ku Mulimu, kono ibo Sesiñwi mwa pilu ya hao, sa ngongota. [Muzwale Branham ungongota fa katala—Mu.] U ziba cwani kanti konji hauli alimuñwi wa limbande za bana zani! U nyandile, mi ukana unyanda ona cwalo, kufitela u ipa kuk Zona. Kiñi ha u si ke waeza buitumelo bo kuba bobutuna kufitisisa kuza mulaho kaufela, haisamba u amuhela Jesu Kreste kuba Muplusi wa hao.

³⁴⁶ Muka taha kwanu mu yeme fa katala? Ni ka lapela ni wena haiba utaha, muezalibi ufi kaufela, muuna kamba musali, mushimani kamba musizana, membala wa keleke kamba ye si membala wa keleke. Kuba mbembala wa keleke ha si kuezi kuba Mukreste cwale. Aletare i kwaluhile. Kana mwa taha, muezalibi ufi kaufela ya tabela kutaha, amuhela Mulena Jesu Kreste. Ya tabela kutuhela mwa niti . . .

³⁴⁷ Babañwi ba mina ba likopano baba tabela kutuhela kuca lico za likuhu zani, za kubulela kuli, “U wa siemba *se* mi ku lukile,” luli ubata kuziba kolobezo ya niti ya Moya o Kenile seili sona? Taha, uto iponela.

³⁴⁸ Aletare i kwaluhile. Lu itukisize. Taha fela kwanu, nanuha—nanuha mwa sipula sa hao. Aku nanuhe mi uto kubama kwanu kwa aletare, muzwale yo ya tile faa.

³⁴⁹ “Buitumelo, O Mulimu, Na itumela hahulu ku Wena. Kuli, bupilo bwaka kaufela, Ni zibile kuli kuna ni sesiñwi, Mulena. Na li kuba ni ikutwe kulikana. Ni likile. Na—Na hupula, ‘Mwaha otatama, Ni ka eza. Biki yetatama, Ni ka eza, nako yetatama Ni ka utwa pizo ya kwa aletare. Ni ka iutwa, zazi leliñwi.’ Na li hana, ni ku li hana. Kono, Muena, Ni ziba kuli kuna ni se si fosahalile ni na. Ni bile ni lumela kamita kuli kuna ni si shutana.

Mi cwale, Mulena, busihu boo, Ni itumezi ka buitukiso bo bu eizizwe ka Mwana Mulimu, kuli libi zaka, mane ni bulele kuli kusa lumela kwaka, ku ka zwiswa kuna. Na taha, busihui boo, niku kubama fasasi ni amuhele mbuyoti ya buitumelo za na ni ezelize Jesu Kreste nako Ya shwa fa Kalvary.”

³⁵⁰ Kana mwa taha nji? Cwale kuba ni sicaba se si kubami kwa aletare kwanu. Kiñi ha u sa nanuni ni kutaha? U batile kueza cwalo. U likile kueza.

³⁵¹ Munahane fela Muzwale Lyle Palmer, muzwale wa luna yomunde, hakalo kalo. Na inzi mwa patelo, kona mo Ni zibela, inza talima mwana hae wa musizana yana bapala za kulaha tumbola ka kota, kamba nto yeñwi cwalo, mi awela mwa sipula ni kushwa mane asika shenya neba hañwi. Ha u zibi nako yo ka zwa faa. Ha u zibi fela kuli ki nako mañi yo ka funduka. Zakona kuba cwalo, busihu boo, kona kuli kiñi ha u sa tahi ukondise litaba cwale?

³⁵² Amu tahe, sicaba. Kikuli ha mu utwi Sika se si mi hapeleza? Ni—Ni ziba kuli kuna ni babañata ba mina baba lukela kuba kwanu kwa aletare, mo bona baba silezi kamba sebene babainzi kwanu ha ki bona babaliteni mo. Cwale, haiba mu ni lumela ni kutalima kwanu kwa katala, lika ze ezahala, mu ni lumele cwale. Zazi leliñwi linzwi laka li ka kuziswa. Hamuna ku li utwa ni kamuta. Mu ka yo lakaza kuli kambe mwa taha.

³⁵³ Mu li, “Kono, Muzwale Branham, Ni bile membala wa keleke.” Seo hasiezi shutano ni yekana ku sobile sona. Ki mwa—ki mwa na bezi ni Nekudema neli fela membala wa keleke. Ki mwa na inezi ni Joani, Pitrosi, Jakobo, Paulusi, babañwi babona kaufela neli ma membala ba keleke.

³⁵⁴ Paulusi nali membala wa keleke kufitela sesiñwi si ezahala busihu bobuñwi, kambe neli musizahali nitaluse, mi sa taha. Aba membala ya cincize wa keleke ona fani, kuba mwana Mulimu. Kikuli ha mu tahi naa? Oh, na lutilwe. Na li ya bunangu. Na ziba kuli na lutilwe, mwa sikolo sa zeneli zetuna kwani, Gamaliele, alimuñwi wa baluti babande hahulu ku bene baliteni mwa naha. Kono a ziba kuli na tokwile taba yeñwi.

³⁵⁵ Kan hamuna kutaha nji? Hape shangwe Na mi kupa. Kwa libaka . . . Mo kamba mwahala naha, Na mi kupa, kai kaufela ko muinzi, mwa puteho ya mina mo mufumaneha, ka hola ya buitumelo yee. Muhupule, Na tepiñiwa faa; isiñi mo fela, kono ni mwa Lihalimu.

³⁵⁶ Mwa ziba, kinto ye pakiwa ki sayansi kuli muzamao kaufela o mutu aeza wa bihiwa. Ba pakile cwalo. Muhupule, mazimumwangala apaka cwalo. Manzimumwangala haezi—haezi hapangi maswaniso. Wena u si swaniso. I zamaisa fela lika, se muswelii kueza, mwa muzamao obizwa chaneu. Muteni foo, nihakuli cwalo. Mwabona? Ha u nyanganyisa munwana wa hao, muzamao wo upitoloha lifasi kaufela. Nako kaufela ha u apala

ndelesi ya hao, mibonahalelo ya hao ika bonahala kwa lifasi kaufela. Za bihiwa ni kubulukwa. Muhupulo kaufela okena mwa munahano wa hao una ni kubihawa. Mi zazi leliñwi paho yeo ika tuhela kuliziwa, ika beiwa mwa matapa a manzwi.

³⁵⁷ Mi cwale kwa Katulo li ka yo kuta. Kwani mu ka yo yema ni milili ye kutilwe, ka kuipapata kuba Mukreste. Ha u yemi foni minahano mwa toho ta hao kulwanisa Linzwi, mi iteni mwa minahano ya hao. Haukoni ku pata zeo. Hupula, mazimumwangala, sayansi mane iziba kuli ki niti yeo. Mu yemi fa cwale, ka kuziba kuli mulukela kuba mo, muhupule, ze ha li beiwa fa matapa, ka Lizazi la Katulo, muhupulo oswana ona ni uka taha kukutela mwa munahano wa hao hape. Ni ona ukaba fa paho hape. Lifasi loote li ka u bona ha u liziwa. Kiñi kanti lifasi... Uka yo kutalimela ka Lizazi la Katulo, Mangeloi kaufela kwani.

³⁵⁸ “Haiba mwa Ni swabela fa, siswaniso sa hao hasinze si swaniswa cwale, ka Lizazi la Katulo Nika yo ku swabela. Kakuli, Ne ni tozize Linzwi la Ka, na Li luma ku wena. No si ka Li lumela. Wa ipata kwa mulaho wa nto isili.”

³⁵⁹ “Oh,” mu li, “Ni yomunde hahulu. Ni ezize se. Ni binezi mwa Moya. Ni bulezi ka malimi.” Ki mo ba ezeza ni bahedeni. “Ni huwile.” Ki mo ba ezeza ni bahedeni. Ukona ku kwenuhela cwani lifasi he?

Kupala ñi?
 Kiñi hausike wataha ku Yena cwale?
 Kupala ñi? Kupala ñi?
 Kiñi hausike wataha ku Yena cwale?
 Kiñi so libelezi, muzwale yomunde?
 Oh, kiñi so liyehela cwalo?
 Jesu u libelezi ku ku pilisa
 Sibaka mwa Munzi wa Hae o kenisizwe.

Akueze alimuñwi wa batu mwa Mubili wa Hae!

Kiñi...?

Oh, mbande ya mwana tuwe, taha cwale.

Oh, kiñi ha sike wa taha?

³⁶⁰ Mulena, Ni itumezi. Ni itumezi luli. Buitumelo ku Wena, Mulena; ha ki lico za nama, fela kutokwa. Kono, Mulena, nako ya maungulo ifitile. Ni itumezi kwa Sico sa moyo se, Mulena, Sico sa moyo sa Maswayo Asupa ana sepisizwe ku kwalulwa.

Mu li, “Yeo ikaba nto ye shutana.” Batili, batili.

³⁶¹ Haukoni kuekeza linzwi kwateni. Ni kuzwisa... Liteni kale Mwani, lipatilwe fela. Li swailwe. Ki ba bakai baba utwisisa cwalo? Muli, “Amen.” [Kopano ili, “Amen.”—Mu.] Mwabona?

Mu li, “Kihande, yeo ki kunutu ye sa taha.” Oh, batili.

³⁶² Li ñozwi kale. Hamukoni ku ekeza linzwi ku Lona, kamba kuzwisa leliñwi ku Lona. Mwabona? Liteni kale Mwani. Lina ni ku patululwa fela mwa lizazi la maungulo.

³⁶³ Kana ha utahi? Akutahe cwale, mulikani. Haiba ha u utwisisi, taha. Kubamafafasi, ambola ku Yena ka Zona. Haiba Ni palelwa ku Li patalaza ku wena, Yena uka lipeta, kakuli Yena ki—ki Mufelisi wa kukakanya kaufela.

. . . mwa lubona lwa Hae lo lukenisiswe.

Oh, kiñi . . . ? (Hausike wataha?) Kupala ñi?
Kiñi hausike wataha ku Yena cwale?

³⁶⁴ Muhupule, kuna ni paho yesweli kubuluka manzwi aa, haki kwa tepu ye fela, kono mwa paho yetuna ya Mulimu. Mañi ni mañi wa mina, muzamao ufi kaufela, ha u inamisa toho ya hao, ha u inamisa pilu, muhupulo ofita mwa muhupulo wa hao, hupula, usweli wa bulukwa cwale mwa Kanya, mi paho yeo ika liziwa ka Lizazi la Katulo. Ikai keto ya hao? Oh, uka yo itakaleza kuli kambe li yo cinca ka Zazi lani.

³⁶⁵ Ni ka libelela fela, kakuli kuna ni babañata, ñata, babali kwa aletare cwale. Mwabona? Mwendi alimuñwi wa bona, haiba Ni libelela fa nako nyana fela, kwa kona kuba yomuñwi kafoo, hakulata uteni mwa New York, ikona kuba kokuñwi mwa Philadelphia, kafoo mwa California, Arizona. Kokuñwi, kwa kona kuba yomuñwi ya sa taha. Mulisana, kaufela ko uinzi, usike wa pumela pizo ya kwa aletare cwale.

³⁶⁶ Hakulata haluna kubona fateni zazi la Buitumelo fateni. Le likona kuba la mafelelezo, mi lipiho likabe litezi, busihu boo, ka nako ya mafelelezo. Tepu ika fela, leliñwi la mazazi aa. Paho ika pumiwa mi ibe mwa lipiho za Mulimu. Kona i ka yo liziwa hape, kupaka mihipulo seo ili sona cwale. Usike wa bulela kuli no sa zibi shutano. Wa ziba. “Kono hakuna yakona kutaha ku Na, konji Ndate pili Amubize. Mi kaufela ba Ni file Ndate, ba ka taha.”

. . . taha ku Yena . . . ?

³⁶⁷ Muzwale, Na lumela, haiba Ne ni ka ina kafoo kokuñwi, mi Nibe ni muhupulo o munyinyani, Ne ni ka kitimela kwanu katata ya mukusi mo ne Ni ka konela. Hmm.

Oh, kupala ñi? Kiñi . . . ?

³⁶⁸ Kana mu felile? Ki niti ha mu filikanyi Moya wa Hae cwale? Ha lu inamiseni litoho zaluna kanti. Ki niti ha u si ka filikanyi Moya wa Hae? Ki niti u ezize handende Za kui bulelezi kueza? U sephahalile cwale? Hupula, wakona—wakona ku sa ba ni kolo yeñwi hape. Paho yakona kutala cwale, busihu boo. Ye hakulata ikona ya mafelelezo ku yona. Ye ikona kuba tepu ya mafelelezo ku wena. Kana wa kona kuli u itukisize cwale? Haiba ku cwalo, Ni li beya mwa mazoho a hao, ka Libizo la Mulena Jesu.

³⁶⁹ Cwale kwaya haisweli kuopela ka bunolo, Ni ka lapelela babalifafasi kwanu baa. Na ni Mukreste ya ipitezi fela. Ni lumela kuli Mulimu una ni ku pulusa. Ni lumela kuli ki Mulimu yana ni kucala Linzwi. “Na Mulena,” kubulela Bibebe, Isaya, “Na Mulena kina ya I libelela. Ni ka I nwiseza, musihali ni busihu, kuli Isike ya zwiswa mwa lizoho la Ka.” Ni si ka kupa kale mutu kutaha kwa aletare ni sicaba see, Ni bata ku ba lapelela, na kasibili.

Halu inamiseñi litoho zaluna cwale.

³⁷⁰ Jesu Yomunde, Ni bulezifela zeñozwi mwa Linzwi la Hao, za bulezimupolofita wa Hao, mi Ni ziba kuli manzwi a mupolofita ki a niti. Mi U ize kuli, “Na Mulena ni I cezi.” Kiñi, kaniti, U I beile mwa Buka ya Bupilo ya Ngunnyana, kusikaba kale mutomo wa lifasi. “Na Mulena ni I cezi, mi Ni ka I nwiseza musihali ni busihu, kuli kutokwe ya ka I zwisa mwa lizoho la Ka.” Ba, hakulata, Mulena, bautwile lipizo zeñata za kutaha kwa aletare. Kono Wena u sa I nwiseza, Mulena.

³⁷¹ Ki ba fa, busihu boo. Ha ba tamuluhe, busihu Ndate, kuzwa kwa lika kaufela za lifasi, sibi kaufela ni matata ali mwa pilu zabona, kono ka swanelo fela ni likute, mwa lipilu zabona, ba fetuhele kwa Linzwi la Hao, ona fa, ni kubulela kuli, “Mulena Jesu, mwahala pilu yaka, Ni bile ni lumela kamita kuli nekuna ni sesiñwi saka, sene Ni si ka amuhela kale fateni. Ni ha Ni likile, sina mubulelelo mo bulelezwibusihu boo, kulatelela kuhu ya nasikuku, kono nekuna ni sesinca ku na. Ne si si ka utwahala fela hande. Mi, busihu, Ni ikutwa kuil Ni taha cwale bukaufi mwa mazoho a Linzwi lelipila. Ni taha kwanu ka likute fela, mwa muhupulo waka o munde. Ni inzifafasi kwa aletare yee. Ni bata puluso, Mulena, hahulu luli. Ni nani tala luli! Ni bata Wena, Mulena, kuli u ni swale mwa mazoho a Hao, busihu boo. Isiñi kamaikuto afi kaufela, kono ka Moya wa lilato, ni lwale mwa mazoho a Hao, Mulimu yomunde.”

³⁷² “Ni mwana Hao. Ni ikutwa kuli ki Na mbande yani yene ambolwa fateni. Ni swale, Mulena. Na tula. Ni nanuhile mwa sipula saka, ni ku kubama fa. Ni swale, Mulena. Na tula. Ni pahekefa mafufa a Hao, Mulena, nibe kwahule ni lika ze kaufela za lifasi. Nikonise kufufela kwahule ni masila a lifasi lee, kuzwa kwa mukwa waka omaswe, kuzwa kwa sizo sa likopano. Tuhela kuli ni tahe fela ku Wena, Mulimu yomunde, kuli Moya o Kenile wa Hao u sululele kuna swalelo ya ku kakanya kwaka kaufela. Mi Na, busihu boo, nibe mwana Hao, yomunca, ya pepilwe, ni sibupiwa sesinca, busihu boo. Ni swale. Ni ise kwahule, hule ni kukekela kwa kuhu. Ni i se kwahule, kwa siyaleto sa Mbande, ili ko Ni kona ku kuliswa ka Linzwi la Mulimu, kufitela Ni kone kufufa.”

³⁷³ Lumeleza cwalo, Mulimu yomunde. Ba nge. Ki ba Hao. Ye kona tapelo yaka ka buishuwi, kulapelela sicaba sesishwa.

Lumeleza cwalo, Ndate. Ni fa tapelo ye mwa sibaka sa bona. Kwa kanya ya Mulimu, Na kupa.

Cwale ni litoho zaluna ze inami.

³⁷⁴ Ha ni zibi, kwa aletare cwale, ki mina mu kubami faa. Buñata bwa mina mu ipapatile kuba Bakreste, kono mu ikutwile kuli kamita kuna ni nto yeñwi, kokuñwi, sene mu sazibi. Hakulata muezize likezo kaufela za bulapeli. Hakulata mukonile kuhuwa. Hakulata uezize lika kaufela. Mwendi ubinezi fateni mwa Moya. Mwendi ubulezi fateni mwa malimi. Mi hakuna yakona kubulela se simaswe ka zeo. Yeo ki niti. Zeo kaufela ki zende. Kono, mwa bona, zeo ki *limpo* za Moya, kusina Moya. Kambe Moya uteni mwateni, maikuto ao nasike a ku nyaza cwalo.

³⁷⁵ Kana luli, ka kusepahala, kwanu kwa aletare, mulumele cwalo cwale, hamuli kwanu, ona kezo yani ya kutamuluha, isiñi maikuto cwale, kono mwa busepahali, ni tumelo yesika zwakana ni zeñwi, kuli Mulimu ami amuhele ni ku mi hulisa ka Linzwi la Hae kufitela muba limbande, wena kasibili, ni kufufa? Haiba ueza cwalo, mi ubata Mulimu kuli aeze cwalo, mu nanule mazoho a mina, mina babali kwanu kwa aletare. Mulimu ami fuyole. Mañi ni mañi ya nanuzi lizoho la hae.

³⁷⁶ Cwale, ka kukuza cwale, Ni ka kupa baana ni basali baba ipile baba ziba Mulimu mwa niti.

³⁷⁷ Buñata bwa bona, kinto yenca luli, kubonahala inge kuli ku cwalo, lipizo ka kwa aletare ze Ni banga ni zona ibanga za baana fela. Mwa ziba, mwa linako zeñata, ibanga basali. Kono kwanu ki baana fela. Ni sepa kuli kuna ni fela musali alimuñwi kwa aletare, busihu boo, mwendi bababeli. Hañata ki basali fela. Kono, ka mikwa isili kamba yeñwi, Ni alaleza kuli basali ba hupula kuli Ni bulelanga ka ku ba Iwanisa. Ha ni cwalo, kezeli. Babalalu, Na lumela, yomuñwi naize wa bona. Hani boni hande fahalimu fa katala fa. Ku lukile.

³⁷⁸ Babañwi ba mina Bakreste babaipile luli mutahe kwanu ni kuyema ni na mwa tapelo fa muzuzu fela. Kwa aletare, kaufela ko muinzi, kwa kata, mutu yomuñwi yaziba Mulimu hande, yaziba fela mwa kuyemela kwanu ka mizuzu yelikani kwa tapelo ni bona, kona lu ka lukulula sicaba. Mañi ni mañi mube ka likute cwale. Musike mwa zwa. Mutahe fela kwanu mi muyeme fakaufi.

³⁷⁹ Babañwi ba mina sicaba baba lumela luli Se kuba Niti, kuli lukela mwa lusika lusili, lukena Lusika lwa Kuungelwa, mu ziba keleke haikoni kuya mwa buino bwa yona, mi haikoni kuba hande kufita faa. Ina ni kuba mwa bumaswe ni kufita. Ki ba bakai baba ziba cwalo? Muli, “Amen.” [Kopano ili, “Amen.”—Mu.] Ina ni kuba yemaswe ni kufita. Mi haikoni kuya ona cwalo. Mwabona? Ina ni kuba nto Isili, mi Isweli ya zamaya cwale, mulikani. Ki—ki—ki cwale, muzamaao ufitile

wa Munyaliwa. Yeo ki Niti. Kakuli KISONA SA BULELA MULENA.

³⁸⁰ Amu zamaye mupahame cwale, Bakreste baba ipile luli baba bata paho—paho ya mina kuyo ba cwalo, mina baba taha ka busepahali, kuli mubata kutaha mu to lapela ni bona, sina mizwale yamina ni likezeli, amutahe kwanu kwa aletare. Muyeme kwanu fa nako nyana, kwa tapelo. Kuna ni ya sa bata kutaha nj? Amuyeme kwanu. Mukubame fela bukaufi ni bona. Muzamaye fela, mina baana babali bukaufi ni baana bao; mina basali. Hamunati, mu ba kupele fela tapelo.

Mulimu yomunde, tusa . . . ? . . .

³⁸¹ “Na ipeya kaufela. Na itoboha kopano yahesu. Na itoboha sinawenga saka sa makalelo. Na itoboha muuna ka wa pili. Na itoboha lika kaufela, Mulena.”

. . . -peya kaufela.

Kaufela ku Wena, Mupulusi waka ya fuyozwi,
Na ipela kaufela.

Na ipeya kaufela,
Na ipeya- . . .

³⁸² Wa ipa muleo wa hao kaufela? Wakona kuitoboha milelo ya hao, kwa Linzwi la Mulimu?

Kaufela ku Wena, Mupulusi waka ya fuyozwi,
Na ipeya kaufela.

Na ipeya kaufela,
Na ipeya kaufela.

Kaufela ku Wena, Mupulusi waka ya fuyozwi,
Na ipeya . . .

³⁸³ Kaufela baba lumela cwale, mwa sicaba, mu yeme. Ha lu iopeleñi, hamoho, cwale.

Na ipeya- . . .

Kaufela mina muipeye, muitukisize kuiopela cwale?

Na . . .

. . . ku Wena Mupulusi waka ya fuyozwi,
Na ipeya- . . .

³⁸⁴ Cwale, mina ba baizi kwa aletare, haiba luli mwa ipa, mu nanule mazoho amina ku Yena, “Na ipeya kaufela. Na itoboha kopano yahesu. Na itoboha kopano yahesu. na itoboha keleke. Na itoboha zaka. Na itoboha milelo yaka. Kamukana ku Wena, Mupulusi waka ya fuyozwi, Na ipeya kaufela.”

. . . ku Wena, waka . . .

Na ipeya kaufela,
Na ipeya kaufela.

Kaufela ku Wena, Mupulusi waka ya fuyozwi,
Na ipeya kaufela.

Kikuli mutiisa niti luli?

Na ipeya kaufela,

[Hakuna manzwi fa tepu—Mu.]

³⁸⁵ Mina fa cwale kwa aletare. Mina fa babaliteni kwa aletare, mina baba lapezi. Keleke i mi lapelezi kwateni. Mu lapelezi, mina kasibili. Cwale kuna ni fela nzila iliñwi yemukona kupiliswa ka yona, yakuli “Ki ha tumelo ha mu pilisizwe, mi ili ka sishemo.” Sishemo sa Mulimu si ambozi ni mina, si mi tisize kwa aletare. Mu bata limbuyoti za Mulimu. Mu bata Linzwi la Hae. Mu bata Moya o Kenile. Mu bata sishemo sa Mulimu. Mi haiba mu cwalo, mi mwakona, luli, ka lipilu za mina kaufela, mu itobohe zina, cwale, musike mwa bata za maikuto asili fela, mubate Niti, Niti ye zwelela mwa pilu za mina, ka tumelo. “Mulena, Ni itakaleza kueza kaufela Linzwi la Hao se li ni laela kueza. Na ipa ili na, ni zeli kuna kamukana.”

³⁸⁶ Haiba mu lumela cwalo ka lipilu za mina kaufela, Ni bata kuli tuyeme cwale, mufetuhele kwa keleke ye, kwa sicaba, ni ku nanulela mazoho amina mwahalimu, mi lu ka i opela hamoho ni bona, “Na ipa lika kaufela zeli ku na, Mulimu. Kuya ka bunde bwa zibo yaka, lika kaufela ze Nili zona, Na ipa.”

³⁸⁷ Amutahe fa katala faa, mina babali fa aletare. Amu pahame fahalimu kwa katala, mizwale, ona fahalimu faa, kaufela mina, ni mizwale ni likezeli.

Amutalime kwanu, keleke.

³⁸⁸ [Kezeli uli, “Muzwale Branham, Ni wa siemba sa keleke, kono mwa mazazi nyana afitle ha Ni wateni—wateni mane haniyo kuyona ni hanyinyani.”—Mu.] Kuipa? [“Mulena u ziba ko Ni bata ku zamaiswa ka Yena. Ni bata . . . ? . . . kwa keleke. Mi Ni bata Moya o Kenile, ni tazwe ka Moya. Mi Nika be shwile, haiba zeo kona ze tokwahala.”] Eeni. Yeo ki niti. Kana mwa itoboha lika kaufela ku Yena ni Linzwi la Hae?

³⁸⁹ Kezeli faa, u zwa mwa kopano. U bulezi kuli, “Ni wa kopano.” Ha lu lukeli kuipunya fa libizo. Ki mubeleki mwateni. Kono u ize, “Muzwale Branham, Ni bata kuya kwa neku la Niti. Ni bata nto yetungile kufita foo.” Mwabona?

³⁹⁰ Haluboneñi ni bulele Lizwi la Hae. “Bana ni mbuyoti babana ni tala ni linyolwa la kuluka, kakuli ba ka kuliswa.”

³⁹¹ Cwale, mina kwanu kwa katala, babasa zo taha fela, haiba mu itukisize kuipa kaufela zemuli zona, lika kaufela, ku utwela Linzwi la Mulimu . . . Hakuna ya mi bulezezi, biki ye, sa kueza. Cwale, haiba mu itukisize kuipa cwale ku Yena, mu nanule fela mazoho amina, sina *cwana*, kwa sicaba. Cwale, mina kwanu kwa katala, ha lu iopeleñi hamoho cwale, *Na Ipeya Kaufela. Kamukana, hamoho. Ku lukile.*

Na ipeya kaufela,

Cwale, luli mutualusa cwalo! . . . ? . . . yena zazi leliñwi, ni mo Nibezi ya itumela. Ku eza kuli aipe . . . ? . . .

. . . Mupulusi,

³⁹² Kana luli mutualusa ona cwalo? Muli, “Amen.” [Kopano ili, “Amen.”—Mu.] Muli, “Amen,” hañwi hape. [“Amen.”] Muli, “Mulena,” [“Mulena,”] “ni tatube.” [“ni tatube.”] “Ni like.” [“Ni like.”] “Mi unife kolo.” [“Mi unife kolo.”] “Se kona se Ni kona fela kueza, busihu boo,” [“Se kona se Ni kona fela kueza, busihu boo,”] “ki kuipa ilina ku Wena.” [“ki kuipa ilina ku Wena.”] “U ziba tala ya mwa pilu yaka.” [“U ziba tala ya mwa pilu yaka.”] “U ziba takazo ya ka.” [“U ziba takazo ya ka.”] “Sepiso ya hao neli kutaleleza takazo yeo.” [“Sepiso ya hao neli kutaleleza takazo yeo.”] “Cwale Na i amuhela.” [“Cwale Na i amuhela.”] “Mi Ni ipa ku Wena.” [“Mi Ni ipa ku Wena.”] Kaufela hamoho:

Na ipeya kaufela,

Na ipeya kaufela.

Kaufela ku Wena, Mupulusi waka ya fuyozwi,

Na ipeya kaufela.



TAMAHANO YESABONAHALI YA MUNYALIWA WA KRESTE LOZ65-1125
(The Invisible Union Of The Bride Of Christ)

Liñusa le ka Muzwale William Marrion Branham, neli kutilizwe lwa pili mwa Sikuwa ka Zazi la Buitumelo, Labune manzibwna, Njimwana 25, 1965, ili fa Life Tabernacle in Shreveport, Louisiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org